

曾文
正公
三十家詩鈔

埽葉山房發行

線
831
7355-2
v. 4

舊籍

三十家詩鈔卷四目錄

江文通五古一百三首

銅爵妓古一百五十八首

侍始安王石頭

從冠軍建平王登廬山香爐峯

望荆山

秋至懷歸

赤亭渚

僊陽亭

還故園

陸東海譙山集

外兵舅夜集

古意報袁功曹

臥疾怨別劉長史

采菱曲

從征虜始安王道中

從建平王遊紀南城

步桐臺

渡西塞望江上諸山

渡泉嶠出諸山之頂

遊黃蘗山

劉僕射東山集


無錫縣歷山集

貽袁常侍

寄邱三公

燈夜和殷長史

南投縣尾各鄉黃允哲捐贈



贈鍊丹法和殷長史

從蕭驃騎新帝壘

惜晚春應劉祕書

秋夕納涼奉和刑獄舅

郊外望秋答殷博士

冬盡難離和邱長史

池上酬劉記室

吳中禮石佛

採石上菖蒲

雜體詩三十首

學魏文帝

效阮公詩十五首

就謝主簿宿

無錫舅相送銜涕別

當春四韻同

左丞

感春冰遙和謝中書二首

詠美人春遊

征怨

清思詩五首

傷內弟劉常侍

悼室人十首

王子喬

沈休文五古一百五十八首

皇雅三曲

介雅三曲

日出東南隅行

昭君辭

831
17355-2
v.4

長歌行二首

君子行

從軍行

豫章行

相逢狹路閒

長安有狹斜行

三婦豔

江離生幽渚

卻出東西門行

飲馬長城窟

青青河畔草

梁甫吟

君子有所思行

白馬篇

齊謳行

前緩聲歌

芳樹

臨高臺

洛陽道

江南曲

東武吟行

怨歌行

悲哉行

攜手曲

有所思

夜夜曲二首

釣竿

臨碣石

國家圖書館



003676680

湘夫人

貞女引

襄陽白銅鞮歌三首

永明樂

從齊武帝琅琊城講武應詔

三日侍林光殿曲水宴應制

侍宴樂遊苑餞呂僧珍應詔

正陽堂宴勞凱旋

遊鍾山詩應西陽王教五首

登高望春

遊金華山

劉真人東山還

登元暢樓

酬謝宣城眺臥疾

新安江至清淺深見底貽京邑遊好

送別友人

去東陽與吏民別

早發定山

循役朱方道路

和竟陵王遊仙詩二首

遊沈道士館

還園宅奉酬華陽先生

華陽先生登樓不復下贈呈

酬華陽陶先生

奉華陽王外兵

赤松澗

八關齋

古意

少年新婚爲之詠

夢見美人

直學省愁臥

休沐寄懷

宿東園

行園

和左丞庾杲之病

和竟陵王鈔書

奉和竟陵王郡縣名

奉和竟陵王藥名

和陸慧曉百姓名

三月三日率爾成章

織女贈牽牛

應王中丞思遠詠月

和王中書德充詠白雲

詠雪應令

和劉雍州繪博山香爐

詠湖中雁

冬節後至丞相第詣世子車中作

奉和竟陵王經劉瓛墓

悼亡

侍遊方山應詔

樂將殫恩未已應詔

泛永康江

餞謝文學離夜

別范安成

效古

庭雨應詔

初春

春思

傷春

秋夜

詠篪

詠竹檳榔盤

檐前竹

玩庭柳

麥李

詠桃

詠青苔

領邊繡

腳下履

懷舊詩九首

詠新荷應詔

聽蟬鳴應詔

詠笙

詠箏

詠山櫛

大言應令

細言應令

詠餘雪

詠帳

侍宴詠反舌

寒松

詠孤桐

詠梧桐

園橘

詠梨應詔

西地梨

詠芙蓉

詠杜若

詠鹿蔥

甘蕉

詠菰

早行逢故人車中為贈

為隣人有懷不至

和劉中書仙詩二首

華山館為國家營功德

和王衛軍解講

侍宴謝朓宅餞東歸應制

酬孔通直過懷蓬居

石塘瀨聽猿

出重圍和傅昭

秋晨羈怨望海思歸

侍宴樂游苑餞徐州刺史應詔

憩郊園和約法師採藥

四城門

任彥昇五古十八首

九日侍宴樂遊苑

奉和登景陽山

泛長溪

落日泛舟東溪

濟浙江

贈郭桐廬出谿口見候余既未至郭仍進

村維舟久之郭生方至

答何徵君

贈徐徵君

答劉孝綽

答到建安餉杖

寄到漑

別蕭諮議

厲吏人講學

苦熱

同謝朓花雪

出郡傳舍哭范僕射三首

范彥龍五古三十八首

巫山高

有所思

當對酒

古意贈王中書

贈張徐州謾

答句曲陶先生

貽何秀才

答何秀才

贈俊公道人

別詩

渡黃河

治西湖

傲古

建除詩

數名詩

州名詩

奉和齊竟陵王郡縣名詩

贈沈左衛

送沈記室夜別

送別

望織女

詠井

悲廢井

登三山

之零陵郡次新亭

閨思

酌修仁水賦詩

登城怨

詠桂樹

詠寒松

園橘

詠早蟬

自君之出矣

四色詩四首

別詩

三十家詩鈔卷四目錄

三十卷目錄

目錄

和齋子田賦

國賦

積林賦

積林口本賦

大務賦


積林賦

積林賦

積林賦

積林賦

積林賦



三十家詩鈔卷四

東湖王定安增輯

江文通五古一百三首

凡文選錄者以○識之樂
府詩集錄者以△識之

△銅爵妓

武皇去金閣。英威長寂寞。雄劍頓無光。雜佩亦銷鑠。秋至明月圓。風傷白露落。清夜何湛湛。孤燭映蘭幕。撫影愴無從。惟懷憂不薄。瑤色行應罷。紅芳幾為樂。徒登歌舞臺。終成螻蟻郭。

△採菱曲

秋日心容與。涉水望碧蓮。紫菱亦可採。試以緩愁年。參差萬葉下。泛漾百流前。高彩隘通壑。香氣麗廣川。歌出權一作趙女曲。儂人江南絃。乘黿非逐俗。駕鯉乃懷仙。眾美信如此。無恨在一作出清泉。

侍始安王石頭

緒官承盛世。逢恩侍英王。結劔從深景。撫袖逐曾光。暮情鬱無已。流望在川陽。平原忽超遠。參差見南湘。何如塞北陰。雲鴻盡來翔。擘鏡照愁色。徒坐隱憂方。山中如未夕。無使桂葉傷。

從征虜始安王道中

乘笏從帷幕。仄身豫休明。君子未獲宴。小人亦自營。結軒首涼野。驅馬徭寒城。容裔還鄉權。逶迤去國旌。山氣互百里。山色與雲平。喬松日夜竦。紅霞旦夕生。徒慙恩厚槩。空抱春施名。仰願光威遠。歲暮返柴荆。

從冠軍建平王登廬山香爐峯宋書建平王景素為冠軍將軍

廣成愛神鼎。淮南好丹經。此山具鸞鶴。洪井西有鸞岡。洪崖先生乘鸞所憩處也。鸞岡西有鶴嶺。王子喬控鶴所經處也。往

來盡仙靈。瑤草正翕輶。玉樹信葱青。絳氣下縈薄。白雲上杳冥。中坐瞰蜿虹。俛伏視流星。不尋遐怪極。則知耳目驚。日落長沙渚。曾陰萬里生。藉蘭素多意。臨風默含情。

方學松柏隱。羞逐市井名。幸永光誦末。伏思託後旌。光誦猶華篇也。後旌猶後乘也。

從建平王遊紀南城

恭承此嘉惠。末官至南荆。斂衽依光采。端笏奉仁明。再逢綠草合。重見翠雲生。江甸知禮富。漢渚聞教清。君王澹以思。樹羽望楚城。年積衣劍滅。地遠宮館平。錦帳終寂寞。綵瑟祕音英。丹沙信難學。黃金不可成。遷化每如茲。安用貴空名。流巖慘中懷。凝意方自驚。願借若木景。長照幽人情。

○望荆山淹時授建平王景素五經而作是詩

奉義至江漢宋書建平王景素為右將軍荆州刺史江淹授景素五經奉義猶慕義也江漢荆楚之境也始知楚塞長南關繞桐

柏西嶽出魯陽寒郊無畱影秋日懸清光悲風撓重林雲霞肅川漲叶平聲歲晏君如

何零淚霑衣裳玉柱空掩露金尊坐含霜一聞苦寒奏再使豔歌傷

步桐臺

客子畏霜雪憂至竟悠哉綺帷生網羅寶刀積塵埃思君出漢北鞍馬登楚臺歲綵合雲光平原秋色來寂聽積空意凝望信長懷蕙芬自有美光景詎徘徊山中忽緩駕暮雪將盈階

秋至懷歸

悵然集漢北還望岨山田沄沄百重壑參差萬里山楚關帶秦隴荆雲冠吳煙草色斂窮水木葉變長川秋至帝子降客人傷嬋娟試訪淮海使歸路成數千蓬驅未止極旌心徒自懸若華想無慰憂至定傷年

渡西塞望江上諸山

南國多異山襍樹共冬榮潺湲夕澗急嘈嘈晨鷗鳴石林上參錯流沫下縱橫松氣

鑑青藹。霞光鑠丹英。望古一凝思。畱滯桂枝情。結友愛遠岳。採藥好長生。當畏佳人晚。秋蘭傷紫莖。海外果可學。歲暮誦仙經。

赤亭渚

吳江泛邱墟。饒桂復多楓。水夕潮波黑。日暮精氣紅。路長寒光盡。鳥鳴秋草窮。瑤水雖未合。珠霜竊過中。坐識物序晏。臥視歲陰空。一傷千里極。獨望淮海風。遠心何所類。雲邊有征鴻。

渡泉嶠出諸山之頂

岑峯蔽日月。左右信艱哉。萬壑共馳騫。百谷爭往來。鷹隼旣厲翼。蛟魚亦暴鱗。崩壁迭枕臥。嶄石屢盤迴。伏波未能鑿。樓船不敢開。百年積流水。千歲生青苔。行行詎半景。余馬以長懷。南方天炎火。魂兮可歸來。

僊陽亭

擊淚訪亭候。茲地乃閩城。萬古通漢使。千載連吳兵。瑤礪奠嶄峯。銅山鬱縱橫。方水埋金甌。圓岸伏丹瓊。下視雄虹照。俯看綵霞明。桂枝空命折。煙氣坐自驚。劍逕羞前檢。岷山慙舊名。伊我從霜露。僕御復孤征。楚客心命絕。一願聞越聲。

遊黃蘗山

長望竟何極。閩雲連越邊。南州饒奇怪。赤縣多靈仙。金峰各虧日。銅石共臨天。陽岫照鸞采。陰谿噴龍泉。殘杙千代木。磨崖萬古煙。禽鳴丹壁上。猿嘯青崖間。秦皇慕隱淪。漢武願長年。皆負雄豪威。棄劍爲名山。况我葵藿志。松木橫眼前。所若同遠好。臨風載悠然。

還故園

漢臣泣長沙。楚客悲辰陽。古今雖不舉。茲理亦宜傷。山中信寂寥。孤景吟空堂。北地三變露。南檐再逢霜。竊值寰海闢。仄見圭緯昌。浮雲抱山川。遊子御故鄉。遽發桃花渚。適宿春風場。紅草涵電色。綠樹鑠煙光。高歌傖關國。微歎依笙篁。請學碧靈草。終歲自芬芳。

劉僕射東山集

蕭蕭雲色滋。惟愛起長思。喬木嘯山曲。征鳥怨水湄。共惜玉樽暮。願是舊集作使光陰遲。紳裳視絕雲。銜意方此時。誦飾江皋駕。終從海濱詩。

陸東海譙山集

杳杳長役思。思來使情濃。恆忌光氛度。藉蕙望春紅。青莎被海月。朱華冒水松。輕風
暖長嶽。雄虹赫遠峰。日暮崦嵫谷。參差綵雲重。永願白沙渚。遊衍遂相從。丹山有琴
瑟。不爲憂傷容。

無錫縣歷山集

秋生白露日。思起秋風年。竊悲杜蘅暮。擘涕弔空山。落葉下楚水。別鶴噪吳田。嵐氣
陰不極。日色半虧天。酒至情蕭瑟。憑樽還惘然。一聞清琴奏。歔泣方畱連。况乃客子
念。直置絲竹間。

外兵舅夜集

丹林一葉舊。碧草從此空。煙光拂夜色。華舟盪秋風。斂意悵何已。極望情思中。瑤瀾
寂以晏。若采能幾終。暮心亦誰寄。江皋桂有叢。

貽袁常侍

昔我別楚水。秋月麗秋天。今君客吳坂。春色縹一作媚春泉。幽冀生碧草。沅湘含翠煙。
鑠鑠霞上景。懵懵雲外山。涉江竟何望。畱滯空採蓮。駐情光氣下。凝怨琴瑟前。珠貝
性明潤。蘭玉好芳堅。不以宿昔岨。懷愧期暮年。

△古意報袁功曹樂府作從軍行

從軍出隴北。長望陰山雲。涇渭各異流。恩情於此分。故人贈寶劍。鏤以瑤華文。一言鳳獨立。再說鸞無羣。何得晨風起。悠哉凌翠氛。黃鵠去千里。垂涕爲報君。

寄邱三公

昔我學冠劍。逢君在三川。何意風雨激。一訣異東西。叶菊秀空應奪。蘭芳幾時堅。常恐握手畢。黯如光絕天。安得明月珠。擊涕寄吳山。

臥疾怨別劉長史

四時煎日夜。玉露催紫榮。始懷未及歎。春意秋方驚。涼草散螢色。衰樹斂蟬聲。馮景魂且謐。臥堂怨已生。承君客江潭。先愁鴻鴈鳴。吳山饒離袂。楚水多別情。金堅碧不滅。桂華蘭有英。無輟代上朝。豈惜鏡中明。但見一葉落。哀恨方未平。

燈夜和殷長史

冬盡綵葉暮。金石亦懷傷。冰鱗不能起。水鳥望川梁。客子仿永夜。寂寞幽意長。臥歇丹邱采。坐失會泉光。結眉慘成慮。銷憂非羽觴。此心冀可緩。清芷在沅湘。

贈鍊丹法和殷長史

琴高遊會稽。靈變竟不還。不還有長意。長意希童顏。身識本爛漫。光曜不可攀。方驗參同契。金竈鍊神丹。頓捨心知愛。永卻平生歡。玉牒裁可卷。珠藥不盈簞。譬如明月色。流采映歲寒。一待黃冶就。青芬遲孤鸞。

從蕭驃騎新帝壘

鯢妖毀王度。虹氣咀王猷。上宰軫靈略。宏威肅廣謀。懸峻冒戈堞。乘嶠駕烽樓。燕兵歌越水。代馬思吳州。金笳夜一遠。明月信悠悠。雲色被江出。煙光帶海浮。開襟夾蒼宇。拓遠局溟洲。折日承丹谷。總駕臨清邱。仄待颺霧晏。方從眈壑遊。

惜晚春應劉祕書

煙景抱空意。蘅杜綴幽心。心憂望碧葉。涵影顧青林。風光多樹色。露華翻蕙陰。水苔方下蔓。石蘿日上尋。霞衣已具帶。仙冠不待簪。徒爲多委鬱。精魄還自臨。始獲瓊歌贈。一點重如金。山中有雜桂。玉瀝乃共斟。

秋夕納涼奉和荆獄舅

蕭條晚秋景。曼雲承景斜。虛堂起青靄。崦嵫生暮霞。空居寂以欬。左右自幽歌。騎星謝箕尾。濯髮慙陽阿。年歇玄圃壁。歲減天津波。金簫哀夜長。瑤琴怨暮多。四時通信

黯春風日夜過。楚水徒有蘭。憂至竟如何。

郊外望秋答殷博士

白露掩江皋。青蒲平地蕪。長夜亦何際。銜思久踟躕。企余重蘭貝。清才富金踰。獨豔始東山。擅麗終西都。雲精無永滯。水碧豈暫濡。屬我茲景半。賞爾若光初。折麻異離羣。紉蕙非索居。頻贈旣雅歌。還懷諒知書。

冬盡難離和邱長史

閒居深悵悵。颶寒拂中閨。寶禮自千里。縑書果君題。山川吐幽氣。雲景抱長懷。茲別亦爲遠。潮瀾鬱東西。汀皋日慘色。桂閣猿方啼。擘意誰侘傺。屑涕在心乖。杜蘅念無沫。石蘭終不睽。異總歲暮駕。遊行蒼山蹊。

池上酬劉記室

戚戚憂可結。結憂視春暮。紫荷漸曲池。皋蘭覆徑路。蔥蒨互華堂。葢葢雜綺樹。爲此久伫立。容易光陰度。水館次文羽。山葉下暝露。懷賞入舊襟。悅物覽新賦。惜我無雕文。報章慙復素。

吳中禮石佛

幻生太淨詭長思多沈疑疑思不慙炤詭生甯盡時敬承積劫下金光鑠海湄火宅
斂焚炭藥草匝卉滋常願樂此道誦經空山坻禪心暮不雜寂行好無私軒騎久已
訣親愛不畱遲憂傷漫漫情靈意終不淄誓尋青蓮果永入梵庭期

採石上菖蒲

瑤琴久蕪沒金鏡廢不看不見空閨裏縱橫愁思端緩步遵汀渚揚柁泛春蘭電至
煙流綺水綠桂涵丹憑酒竟一作未悅半景方自歎每爲憂見及杜若豈能寬冀採
石上草得以駐餘顏赤鯉儻可乘雲霧不復還

雜體詩三十首

有序

夫楚謠漢風既非一骨魏製晉造固亦二體譬猶藍朱成彩雜錯之變無窮
宮商爲音靡曼之態不極故蛾眉詎同貌而俱動於魄芳草甯共氣而皆悅
於魂不其然歟至於世之諸賢各滯所迷莫不論甘而忌辛好丹而非素豈
所謂通方廣恕好遠兼愛者哉乃及公幹仲宣之論家有曲直安仁士衡之
評人立矯抗况復殊於此者乎又貴遠賤近人之常情重耳輕目俗之恆蔽
是以邯鄲托曲於李奇士季假論於嗣宗此其效也然五言之興諒非負古

但關西鄴下既已罕同河外江南頗為異法故玄黃經緯之辨金碧浮沈之殊僕以為亦各具選作美兼善而已今作三十首詩數其文體雖不足品藻淵流庶亦無乖商榷云爾

△古別離此擬行行重行行之作

遠與君別者乃至鴈門關黃雲蔽千里遊子何時還送君如昨日檐前露已團不惜蕙草晚所悲道里寒君在天一涯妾身長別離願一見顏色不異瓊樹枝瓊樹玉樹也出崑崙

山人不得見故以為比兔絲及水萍所見終不移

△李都尉陵從軍此擬攜手上海梁樂府作從軍行

樽酒送征人踟躕在親宴日暮浮雲滋握手淚如霰悠悠清川水嘉魴得所薦而我一作在萬里結友一作不相見袖中有短書願寄雙飛燕

△班婕妤詠扇此擬新製齊紈素樂府作怨歌行

紈扇如團選作月出自機中素畫作秦王女乘鸞向煙霧彩色世所重雖新不代故

竊愁一作涼風至吹我玉階樹君子恩未畢零落在中路

△魏文帝不遊宴此擬芙蓉池作樂府作善哉行

置酒坐飛閣。逍遙臨華池。神飈自遠至。左右芙蓉披。綠竹夾清水。秋蘭被幽崖。月出照園中。冠珮相追隨。客從南楚來。爲我吹參差。楚辭望夫君兮未來吹參差兮誰思註參差洞簫也淵魚猶伏浦。聽者未云疲。高文一何綺。小儒安足爲。肅肅廣殿陰。雀聲愁北林。眾賓還城邑。何用慰我心。

○陳思王植贈友

此擬贈丁儀王粲等詩

君王禮英賢

君王謂其父操英賢謂王粲丁儀等

不恡千金璧。雙闕指馳道。朱宮羅第宅。從容冰井臺。

清池映華薄。涼風盪芳氣。碧樹先秋落。朝與佳人期。日夕望青閣。寒裳摘明珠。徙倚拾蕙若。眷我二三子。辭義麗金釀。延陵輕寶劍。季布重然諾。處富不忘貧。有道在葵藿。

○劉文學楨感遇

感遇感於心而遇於目也

蒼蒼山中桂。團團霜露色。霜露一何緊。桂枝生自直。橘柚在南國。因君爲羽翼。謬蒙

聖主私

聖主魏文也私之爲言思也

託身文墨職。丹彩旣已過。敢不自雕飾。華月照芳池。列坐金

殿側。微臣固受賜。鴻恩良未測。

○王侍中粲懷德

懷德謂懷魏武之德

伊昔值世亂。秣馬辭帝京。既傷蔓草別。方知杖杜情。嶠函蕩選作復邱墟。冀闕緬縱橫。

倚棹泛涇渭。日暮山河清。蟋蟀依素選作桑野。嚴風吹枯莖。鸛鷓在幽草。客子淚已零。

去鄉三十載。幸遭天下平。賢主降嘉賞。金貂服玄纓。侍宴出河曲。飛蓋遊鄴城。朝露

竟幾何。忽如水上萍。君子篤恩義。柯葉終不傾。福履既所綏。千載垂令名。

稽中散康言志言志言己有高尙之志而橫遭讒言

曰余不師訓。潛志去世塵。遠想出宏域。高步超常倫。靈鳳振羽儀。戢景西海濱。朝食

琅玕實。夕飲玉池津。處順故無累。養德乃入神。曠哉宇宙惠。雲羅更四陳。哲人貴識

義。大雅明庇身。莊生悟無爲。老氏守其真。天下皆得一。名實久相賓。咸池饗爰居。鐘

鼓或愁辛。柳惠善直道。孫登庶知人。寫懷良未遠。感贈以書紳。此詩大旨言世塵不

莊生之無爲老氏之守真也。應括幽憤詩意。

阮步兵籍詠懷

青鳥海上遊。鸞斯蒿下飛。沈浮不相宜。羽翼各有歸。飄飄可終年。沈瀆安是非。朝雲

乘變化。光耀世所希。精衛銜木石。誰能測幽微。阮步兵與嵇中散不肯附司馬氏一

道出阮公心事

○張司空華離情張茂先有情詩三首

秋月映簾櫳。懸光入丹墀。佳人撫鳴琴。清夜守空帷。蘭徑少行迹。玉臺生網絲。庭樹發紅彩。閨草含碧滋。延伫整綾綺。萬里贈所思。願垂湛露惠。信我皎日期。

○潘黃門岳述哀謂悼亡詩

青春速天機。素秋馳白日。美人歸重泉。悽愴無終畢。殯宮已肅清。松柏轉蕭瑟。俯仰未能弔。尋念非但一。撫衾悼寂寞。恍然若有失。明月入綺窗。髣髴想蕙質。銷憂非萱草。永懷寄夢寐。夢寐復冥冥。何由覲爾形。我慙北海術。爾無帝女靈。列異傳北海營人與死人相見同郡人婦死已數年往見道人駕言出遠山徘徊泣松銘雨絕無還遂令見之言語悲喜如生帝女即巫山神女也駕言出遠山。徘徊泣松銘。雨絕無還雲。華洛豈留英。日月方代序。寢興何時平。安仁悼亡詩曰四節代遷逝又曰日寢興目存形

○陸平原機羈宦士衡有赴洛道中作

儲后降嘉命。恩紀被微身。明發眷桑梓。永歎懷密親。流念辭南溟。銜怨別西津。驅馬遵淮泗。旦夕見梁陳。服義追上列。矯迹廁宮臣。朱轂咸髦士。長纓皆俊民。契闊承華內。綢繆踰歲年。日暮聊總駕。逍遙觀洛川。殂歿選作多拱木。宿草凌寒煙。遊子易感慨。躑躅還自憐。願言寄三鳥。離思非徒然。首六句用士衡赴洛道中詩意也馳道四句參用

從梁陳及赴洛詩也日暮二句用上衡答張士然詩意也

○左記室思詠史

韓公淪賣藥梅生隱市門百年信桂萸何用苦心魂當學霍衛將建功在河源珪組賢君眄青紫明主恩終軍才始達賈誼位方尊金張服貂冕許史乘華軒王侯貴片議公卿重一言太平多歡娛飛蓋東都門顧念張仲蔚蓬蒿滿中園趙岐三輔決錄注曰張仲蔚扶

風人也隱身不仕明天官博學好為詩賦所居蓬蒿沒人也

○張黃門協苦雨

丹霞蔽陽景綠泉涌陰渚水鶴巢層疊山雲潤柱礎有身興春節愁霖貫秋序變變涼葉奪戾戾颶風舉高談翫四時索居慕儔侶青苔一作苔日夜黃芳蕤成宿楚歲暮百慮交無以慰延伫首二句用景陽雜詩中丹霞蔽陰期階下伏泉涌等語意也第五句亦從雜詩中化出

○劉太尉琨傷亂

皇晉遘陽九天下橫氛霧秦趙值薄蝕幽并逢虎據伊余荷寵靈感激徇馳騫雖無六奇術冀與張韓遇甯戚扣角歌桓公遭乃舉荀息冒險難實以忠貞故空令日月逝愧無古人度飲馬出城壕北望沙漠路千里何蕭條白日隱寒樹投袂既憤懣撫

枕懷百慮功名惜未立。玄髮已改素時哉。苟有會治亂。惟冥數。陽九日厄會也。薄蝕

張良韓信也。首四句傷亂。伊余以下有感。慨立功之意。乃太尉本旨。

○盧中郎諶感交

大厦須異材。廊廟非庸器。英俊著世功。多士濟斯位。眷顧成綢繆。乃與時髦匹。姻媾久不虧。契闊豈但一。逢厄既已同。處危非所恤。常慕先達槩。觀古論得失。馬服為趙將。疆場得清謐。信陵佩魏印。秦兵不敢出。慨無幄中策。徒慙素絲質。羈旅去舊京。感遇喻琴瑟。自顧非杞梓。勉力在無逸。更以畏友朋。濫吹乖名實。左傳引逸詩云。豈不齊宣王使人吹竽。南郭處士與焉。宣王死。文王即位。一聽之處士乃逃。

○郭宏農璞遊仙

崦山多靈草。海濱饒奇石。偃蹇尋青雲。隱淪駐精魄。道人讀丹經。方士鍊玉液。朱霞入窗牖。曜靈照空隙。傲睨摘木芝。陵波採水碧。眇然萬里遊。矯掌望煙客。永得安期術。豈愁濛汜迫。列仙傳安期先生自言千歲。楚辭出于暘谷。次于濛汜。

○孫廷尉綽雜述

太素既已分。吹萬著形兆。列子太素者質之始也。莊子夫吹萬不同。而使自己也。司馬彪曰。言天氣吹煦。生養萬物。形氣不同。使各得其性。而

止也潛夫論曰太素之時元氣窈冥未有形兆也寂動苟有原因謂殤子天言大道之要動寂無源今誠以有源即壽夭異轍故以殤子為

天也道喪涉千載津梁誰能了思乘扶搖翰卓然凌風矯靜觀尺極義理足未嘗少罔

罔秋月明憑軒詠堯老帝堯與老子也浪迹無蚩妍然後君子道領略歸一致南山有綺皓

交臂久變化傳火迺薪草亶亶玄思清胸中去機巧物我俱忘懷可以狎鷗鳥會一

子以立言大意總歸於清虛無為順其自然而已其曰去機巧俱忘懷乃作詩之旨

許徵君詢自敘

張子闇內機單生蔽外像莊子魯有單豹者巖居水飲年七十有嬰兒之色不幸遇

之病以死豹養其內而虎食之有張毅者高門懸簿無不趨義也年七十有內熱

其外毅養其外而病攻其內一時排冥筌冷然空中賞遣此弱喪情資神任獨往采

藥白雲隈聊以肆所養丹葩曜芳蕤綠竹陰閒傲茗茗寄意勝不覺凌虛上曲櫺激

鮮飈石室有幽響去矣從所欲得失非外獎至哉操斤客重明固已朗五難既灑落

殷東陽仲文興曠

晨遊任所萃悠悠蘊真趣雲天亦遼亮時與賞心遇青松挺秀萼惠色出喬樹極眺

清波深緬映石壁素瑩情無餘滓拂衣釋塵霧求仁既自我玄風豈外慕直置忘所

宰蕭散得遺慮玄風謂道也李充玄宗賦曰慕玄風之遐裔

○謝僕射混遊覽

信矣勞物化。憂襟未能整。薄言遵郊衢。總轡出臺省。淒淒節序高。寥寥心悟永。時菊耀巖阿。雲霞冠秋嶺。眷然惜良辰。徘徊踐落景。卷舒雖萬緒。動復歸有靜。曾是迫桑榆。歲暮從所秉。舟壑不可攀。忘懷寄匠郢。

○陶徵君潛田居

種苗在東皋。苗生滿阡陌。雖有荷鋤倦。濁酒聊自適。日暮巾柴車歸去來辭已或巾柴車鄭元周禮注

日巾猶衣也路闇光已夕。歸人望煙火。稚子候檐隙。問君亦何為。百年會有役。但願桑麻

成。蠶月得紡績。素心正如此。開逕望三益陶詩聞多素心人樂與數晨夕結意欲起古人而從之托意於三益耳

○謝臨川靈運遊山靈運為永嘉太守故紀遊詩於永嘉太守守作居多此詩亦擬其在永嘉時作

江海經邇迴。山嶠備盈缺。靈境信淹留。賞心非徒設。平明登雲峰。杳與廬霍絕。碧障長周流。金潭恆澄澈。桐林帶晨霞。石壁映初晰。乳竇既滴瀝。丹井復寥泝。岳峯轉奇秀。岑崆還相蔽。赤玉隱瑤溪。雲錦被沙汭。夜聞猩猩啼。朝見鼯鼠逝。南中氣候暖。朱華凌白雪。幸遊建德鄉。觀奇經禹穴。身名竟誰辨。圖史終磨滅。且泛桂水潮。映月遊

海滋攝生貴處順將為智者說康樂還湖中詩寄言攝生客又登石門詩處順故安排又石門詩匪為眾人說黃與智者論

顏特進延之侍宴

太微凝帝宇瑤光正神縣言法太微星以成帝室觀北斗柄以正南北也淮南子太微者天一之廷廣雅北斗第七星為瑤光史記鄒衍日中國

名赤縣神州揆日粲書史相都麗聞見類是也麗聞見楚室營洛邑之列漢構仙宮開天製

寶殿桂棟畱夏飈蘭橈停冬霰青林結冥濛丹巘被五臣披蔥蒨山雲備卿霽池卉具

靈變重陽集清氛下輦降玄宴驚望分寰遂矚曠盡都甸氣生川嶽陰煙滅淮海見

中坐溢朱組步櫺筵瓊弁禮登仁睿情樂闕延皇眄測恩躋愉逸沿牒懵浮賤承榮

重兼金李善作榮重餽兼金巡華過盈瑱敢飾輿人詠方慙綠水薦左氏傳晉侯聽輿人之誦日原田每每舍其舊而新

是謀古樂府有淶水曲

謝法曹惠連贈別惠連有西陵遇風獻康樂五首此詩即擬之也

昨發赤亭渚今宿浦陽汭方作雲峰異豈伊千里別芳塵未歇席李善作滄零李善淚猶在袂

入聲停艫望極浦弭棹阻風雪風雪既經時夜永起懷思汎濫北湖遊李善作岩亭南樓

期選注岩亭樓高貌靈運點翰詠新賞開表瑩所疑摘芳愛氣馥拾藥憐色滋李善色滋

畏沃若人事亦銷鑠子衿怨勿往谷風諛輕薄共秉延州信延州即吳季札挂劍處也無慙仲路

諾靈芝望三秀孤筠情所託所託已殷勤祇足攬懷人今行嶠嶮外會稽記始甯縣西南有嶠山刻

嶮山銜思至海濱覲子杳未偃款睇在何辰傷睇並見也字林款誠也意有所欲也雜珮雖可贈疏華

竟無陳疏華瑤華也無陳無所寄也無陳心惰勞旅人豈遊遨幸及風雪霽青春滿江皋解纜候

前侶還望方鬱陶煙景若離遠末響寄瓊瑤

○王徵君徵養疾謂徵被徵不應隱於瀟湘之間以養疾也

窈窕瀟湘空翠礪澹無滋寂歷百草晦歛吸鷓鴣雞悲清陰往來遠月華散前墀鍊藥

矚虛幌沉瑟臥遙帷水碧驗未黷金膏靈詎緝水碧金膏皆仙藥黷垢黷也緝黑色也北渚有帝子蕩

瀆不可期悵然山中暮懷痾屬此詩

○袁太尉淑從駕淑為御史中丞時從宋高祖拜廟並祭南郊有詩

宮廟禮哀敬粉邑道嚴玄恭潔由明祀肅駕在祈年詔徒登季月戒鳳藻行川雲旆

象漢徙宸網擬星懸朱權麗寒渚金鏐映秋山羽衛藹流景綵吹震沈淵辨詩測京

國履籍鑒都鄺毗謠響玉律邑頌被丹絃文軫薄桂海聲教燭冰天和惠頒上笏恩

渥浹下筵幸侍觀洛後豈慕巡河前服義方無沫展歌殊未宣廣雅日沫已也楚辭日展詩兮會舞王逸

注云展舒也言舒展詩曲作為雅樂也

○謝光祿莊郊遊

肅舫出郊際。徒樂逗江陰。徒樂行樂也。說文逗止也。翠山方藹藹。青浦正沈沈。涼葉照沙嶼。秋榮

冒水潯。風散松架險。雲鬱石道深。靜默鏡縣野。四睇亂會岑。氣清知鴈引。露華識猿

音。雲裝信解黻。煙駕可辭金。始整丹泉術。終覲紫芳心。行光自容裔。無使弱思侵。容裔

自在貌弱思俗事也

○鮑參軍昭戎行

豪士枉尺璧。宵人重恩光。徇義非為利。執羈輕去鄉。孟冬郊祀月。殺氣起嚴霜。戎馬

粟不煖。軍士冰為漿。晨上城皋坂。磧礫皆羊腸。寒陰籠白日。大谷晦蒼蒼。息徒稅征

駕。倚劔臨八荒。鷦鷯不能飛。玄武伏川梁。鍛翮由時至。感物聊自傷。豎儒守一經。未

足識行藏。

○休上人怨別沈約宋書曰沙門惠休善屬文徐湛之與之甚厚世祖命使還俗本姓湯位至揚州從事

西北秋風至。楚客心悠哉。日暮碧雲合。佳人殊未來。露彩方泛豔。月華始徘徊。寶書

為君掩。瑤瑟詎能開。相思巫山渚。悵望陽雲臺。膏爐絕沈燎。綺席生浮埃。桂水日千

里。因之平生懷。言因桂水以通情也洛神賦曰托微波而通辭

學魏文帝

西北有浮雲。繚繞華陰山。惜哉時不遇。入夜值霜寒。秋風聒地起。吹我至幽燕。幽燕非我國。窈窕爲誰賢。少年歌且止。歌聲斷客子。

效阮公詩

歲暮懷感傷。中夕弄清琴。戾戾曙風急。團團明月陰。孤雲出北山。宿鳥驚東林。誰謂人道廣。憂慨自相尋。甯知霜雪後。獨見松竹心。

其二

十年學讀書。顏華尙美好。不逐世閒人。鬪雞東郊道。富貴如浮雲。金玉不爲寶。一日鷓鴣鳴。嚴霜被勁草。志氣多感失。淚下沾懷抱。

其三

白露淹庭樹。秋風吹羅衣。忠信主不合。辭意將訴誰。獨坐東軒下。雞鳴夜已晞。總駕命賓僕。遵路起旋歸。天命誰能見。人踪信可疑。

其四

飄颻恍惚中。是非安所之。大道常不驗。金火每如斯。忼慨少淑貌。便娟多令辭。宿昔

秉心誓靈明。將見期願從。丹邱駕長弄。華池滋。

其五

陰陽不可知。鬼神惟杳冥。暫試武帝貌。一見李后靈。同情淪異物。有體入無形。賢聖共草昧。仁智焉足明。變化未有極。恍惚誰能精。

其六

若木出海外。本自丹水陰。羣帝共上下。鸞鳥相追尋。千齡猶旦夕。萬世更浮沈。豈與異鄉士。瑜瑕論淺深。

其七

夏后乘兩龍。高會在帝臺。榮光河雒出。白雲蒼梧來。侍御多賢聖。升降有羣才。四時有變化。盛明不徘徊。高陽邈已遠。竝立誰語哉。

其八

昔余登大梁。西南望洪河。時寒原野曠。風急霜露多。仲冬正慘切。日月少精華。落葉縱橫起。飛鳥時相過。搔首廣川陰。懷歸思如何。常願反初服。閒步潁水阿。

其九

宵月輝西極。女圭映東海。佳麗多異色。芬葩有奇采。綺縞非無情。光陰命誰待。不與風雨變。長共山川在。人道則不然。消散隨風改。

其十

少年學擊劍。從師至幽州。燕趙兵馬地。唯見古時邱。登城望山水。平原獨悠悠。寒暑有往來。功名安可留。

其十一

擾擾當途子。毀譽多埃塵。朝生輿馬閒。夕死衢路濱。藜藿應見棄。勢位乃爲親。華屋爭結綬。朱門競彈巾。徒羨草木利。不愛金碧身。至德所以貴。河上有丈人。

其十二

華樹曜北林。芬芳空自宣。秋至白雲起。蟋蟀號庭前。中心有所思。虛堂獨浩然。安坐詠琴瑟。逍遙可永年。

其十三

假乘試行遊。北望高山岑。翩翩征鳥翼。蕭蕭松柏陰。感時多辛酸。覽物更傷心。性命有定理。禍福不可禁。唯見雲際鵠。江海自追尋。

其十四

夕雲映西山。蟋蟀吟桑梓。零露被百草。秋風吹桃李。君子懷苦心。感慨不能止。駕言遠行遊。驅馬清河涘。寒暑更進退。金石有終始。光色俯仰間。英豔難久恃。

其十五

至人貴無爲。裁魂守寂寥。唯有馳騫士。風塵在一朝。輿馬相跨躍。賓從共矜驕。天道好盈缺。春華故秋凋。不知北山民。商歌弄場苗。

就謝主簿宿

季月寒氣重。滋蘭錯無芳。北風漂夜色。河凝暘如霜。悵哉心神晚。燭滅此深堂。芟衣如可贈。甯溼阻雲梁。

無錫舅相送銜涕別

心遠路已迴。意滿辭未陳。曾風漂別蓋。北雲竦征人。杯酒憐歲暮。志氣非上春。若無孤鳥還。瀝涕何所因。

當春四韻同 左丞

雷萌山中草。雲煦江上花。流煙漾璇景。輕風泛凌霞。我有幽蘭念。銜意矚里斜。友人

殊未還。獨慰檐前華。

感春冰遙和謝中書

江皋桐始華。斂衣望邊亭。平原何寂寂。島暮蘭紫莖。芬披好草合。流爛新光生。冰雪徒皎潔。此焉空守貞。

其二

暮意歌上眷。悵哉望佳人。擘洲之宿莽。命爲瑤桂因。觀書術不變。學古道恆真。若作商山客。寄謝丹水濱。

詠美人春遊

江南二月春。東風轉綠蘋。不知誰家子。看花桃李津。白雲凝瓊貌。明珠點絳脣。行人咸息駕。爭擬洛川神。

征怨

蕩子從征久。鳳樓簫管閒。獨枕凋雲鬢。孤燈損玉顏。何日邊塵淨。庭前征馬還。

清思詩

趙后未至麗。陰妃非美極。情理儻可論。形有焉足識。帝女在河洲。晦映西海側。陰陽

無定光。雜錯千萬色。終歲如瓊草。紅華長翕施。

其二

師曠操雅操。延子聆奇音。玄鶴徒翔舞。清角自浮沈。明瑄東南逝。精思西北臨。白雲瑤池曲。止一作使淚淫淫。

其三

秋夜紫蘭生。湛湛明月光。偃蹇靈芝采。容裔紫華堂。林木不拂蓋。淇水甯漸裳。倏忽南江陰。照曜北海陽。從此長往來。萬世無感傷。

其四

白露滋金瑟。清風蕩玉琴。空閨饒遠念。虛堂生夜陰。茲夕一何衰。明月沒西林。世人重時暮。道士情亦深。願乘青鳥翼。徑出玉山岑。

其五

至德不可傳。靈龜不可侶。草木還根蒂。精靈歸妙理。我學杳冥道。誰能測窮已。須待九轉成。終會長沙市。

傷內弟劉常侍

金壁自蕙質。蘭杜信嘉名。丹綵旣騰迹。華萼故揚聲。伊余方罷秀。歎息向君榮。誰疑春光昃。何遽秋露輕。遠心惜近路。促景怨長情。風至衣袖冷。况復蟋蟀鳴。白露沿漢沼。明月空漢生。長悲離短意。惻切吟空庭。注歎東郊外。流涕北山坳。

悼室人

佳人永暮矣。隱憂遂歷茲。寶燭夜無華。金鏡晝恆微。桐葉生綠水。霧天流碧滋。蕙弱芳未空。蘭深鳥思時。湘醪徒有酌。意塞不能持。

其二

適見葉蕭條。已復花罨鬱。帳裏春風盪。檐前還燕拂。垂涕視去景。摧心向徂物。今悲輒流涕。昔歡常飄忽。幽情一不弭。守歎誰能慰。

其三

夏雲多雜色。紅光鑠蕤鮮。苒弱屏風草。潭沲曲池蓮。黛葉鑑深水。丹華香碧煙。臨綵方自弔。擘氣以傷然。命知悲不絕。恆如注海泉。

其四

駕言出遊衍。冀以滌心胸。復值煙雨散。清陰帶山濃。素沙匝廣岸。雄虹冠尖峯。出風

舞森桂。落日曖圓松。還結生不念。楚客獨無容。

其五

秋至擣羅紈。淚滿未能開。風光肅入戶。月華爲誰來。結眉向珠網。瀝思視青苔。鬢局將成葆。帶減不須摧。我心若涵煙。蓋蓋滿中懷。

其六

窗塵歲時阻。閨燕日夜深。流黃夕不織。甯聞梭杼音。涼靄漂虛座。清香盪空琴。蜻引知寂寥。蛾飛測幽陰。乃抱生死悼。豈伊離別心。

其七

顛顛氣薄暮。蔌蔌清衾單。階前水光裂。樹上雪花團。庭鶴哀以立。雲雞肅且寒。方東有苦淚。承夜非膏蘭。從此永黯削。萱葉焉能寬。

其八

抒悲情雖滯。送往事所知。空座幾時設。虛帷無久垂。暮氣亦何勁。嚴風照天涯。夢寐無端際。恂恍有分離。意念每失乖。徒見四時虧。

其九

神女色娉麗乃出巫山湄。逶迤羅袂下。鄣日望所思。佳人獨不然。戶牖絕錦綦。感此增嬋娟。屑屑涕自滋。清光澹且減。低意守空帷。

其十

二妃麗瀟湘。一有乍一無。佳人承雲氣。無下此幽都。當追帝女迹。出入泛靈輿。掩映金淵側。遊豫碧山隅。曖然時將罷。臨風返故居。

王子喬

劉向列仙傳曰王子喬者周靈王太子晉也好吹笙作鳳鳴遊伊洛之閒道人浮邱公接以上嵩高山三十餘年後求之於山上見桓良日告我家七月七日待我於緱氏山頭至時果乘白鶴駐山頭望之不得到舉手謝時人數日而去為立祠於緱氏山下及嵩高之首焉

子喬好輕舉。不待鍊銀丹。控鶴去窈窕。學鳳對嶺岏。山無一春草。谷有千年蘭。雲衣下躑躅。龍駕何時還。

本集有齊籍田樂歌二首四言 牲出入歌四言 薦豆呈毛血歌辭四言 奏宣列之樂歌舞四言 齊鳳皇銜書伎辭七言皆以非五古未錄

沈休文五古百五十八首

凡文選錄者以○識之樂府詩集錄者以△識之

皇雅

隋書樂志曰皇帝出入奏皇雅取詩大雅云皇矣上帝臨下有赫也二郊太廟同用

帝德實廣運。車書靡不賓。執瑁朝羣后。垂旒御百神。八荒重譯至。萬國婉來親。

其二

華蓋拂紫微。句陳繞太一。容裔被緹組。參差羅罕畢。星回昭以爛。天行徐且謚。

△其三

清蹕朝萬寓。端冕臨正陽。青絢黃金纒。袞衣文繡裳。既散華蟲采。復流日月光。

△介雅

隋書樂志曰。上壽酒奏介雅。取詩大雅云。君子萬年介爾景福也。三朝用之。

百福四象初。萬壽三元始。拜獻惟袞職。同心協卿士。北極永無窮。南山何足擬。

△其二

壽隨百禮洽。慶與三朝升。惟皇集繁祉。景福互相仍。申錫永無遺。穰簡必來應。

△其三

百味既含馨。六飲莫能尚。玉壘信湛湛。金卮頗搖漾。敬舉發天和。祥祉流嘉貺。

△日出東南隅行

朝日出邯鄲。照我叢臺端。中有傾城豔。顧景執羅紈。延軀似織約。遺視若回瀾。瑤裝映層綺。金服炫雕鑲。幸有同匡好。西仕服秦官。寶劍垂玉貝。汗馬飾金鞍。榮場類轉雪。逸控似騰鸞。羅衣夕解帶。玉釵暮垂冠。

△昭君辭

三十家詩鈔

卷四

梁

沈約

十六

朝發披香殿。夕濟汾陰河。於茲懷九逝。自此斂雙蛾。沾妝疑湛露。繞臆狀流波。日見
奔沙起。稍覺轉蓬多。胡風犯肌骨。非直傷綺羅。銜涕試南望。關山鬱嵯峨。始作陽春
曲。終成苦寒歌。唯有三五夜。月明暫經過。

長歌行

崔豹古今註曰長歌短歌言人壽命長短各有定分不可妄求按古詩
云長歌正激烈魏武帝燕歌行云短歌微吟不能長晉傅元豔歌行云
咄來長歌續短歌然則歌
聲有長短非言壽命也

連連舟壑改。微微市朝變。來功嗣往迹。莫武徂升彥。局塗頓遠策。畱歡限奔箭。拊戚
狀驚瀾。循休擬回電。歲去芳願違。年來苦心薦。春貌既移紅。秋林豈停蒨。一倍茂陵
道。甯思柏梁宴。長戢兔園情。永別金華殿。聲徽無惑簡。丹青有餘綰。幽籥且未調。無
使長歌倦。

其二

春隰萸綠柳。寒墀積皓雪。依依往紀盈。霏霏來思結。思結纏歲晏。曾是掩初節。初節
曾不掩。浮榮逐弦缺。弦缺更圓合。浮榮永沈滅。色隨夏蓮變。態與秋霜萎。道迫無異
期。賢愚有同絕。銜恨豈云忘。大道無甄別。功名識所職。竹帛尋摧裂。生外苟難尋。坐
爲長歎設。

△君子行樂府解題曰古辭云君子防未然蓋言遠嫌疑也又有君子有所思行辭旨與此不同

良御惑燕楚。妙察亂澠淄。隄傾由漏壤。垣隙自危基。曷途或妄踐。黨議勿輕持。

△從軍行

惜哉征夫子。憂恨良獨多。浮天出鯁海。束馬渡交河。雪縈九折嶠。風卷萬里波。維舟無夕島。秩驥乏平莎。凌濤富驚沫。援木闕垂蘿。江颺鳴疊嶼。流雲照層阿。玄埃晦朔馬。白日照吳戈。寢興動征怨。寤寐起還歌。晨裝豈輟警。夕壘詎淹和。苦哉遠征人。悲矣將如何。

△豫章行樂府解題曰陸機汎舟清川渚謝靈運出宿告密親皆傷離別言壽短景馳容華不久也豫章漢郡邑地名

燕陵平而遠。易河清且駛。一見塵波阻。臨途引征思。雙劍愛匣同。孤鸞悲影異。宴言誠易纂。清歌信難嗣。臥聞夕鐘急。坐閱朝光亟。往歌墜壯心。來戚滿衰志。徂芳無再馥。淪灰定還熾。夏臺尙可忘。榮辱亦奚事。愧微曠士節。徒感鄙生餌。勞哉納辰和。地遠託聲寄。

△相逢狹路閒樂府解題曰古詞文意與雞鳴曲同晉陸機長安狹斜行云伊洛有歧路歧路交朱輪則言世路險狹邪僻正直之士無所措手足

矣唐李賀有難忘曲亦出於此

相逢洛陽道。繫聲流水車。路逢輕薄子。竝立問君家。君家誠易知。易知復易憶。龍馬滿街衢。飛蓋交門側。大子萬戶侯。中子飛而食。小子始從官。朝夕溫省直。三子俱入門。赫奕多羽翼。若若青組紆。煙煙金璫色。大婦遶梁歌。中婦迴文織。小婦獨無事。閉門聊且卽。綠綺試一彈。玄鶴方鼓翼。

△長安有狹斜行

青槐金陵陌。丹轂貴遊士。方驂萬乘臣。炫服千金子。咸陽不足稱。臨淄孰能擬。

△三婦豔

大婦掃玉墀。中婦結羅帷。小婦獨無事。對鏡畫蛾眉。良人且安臥。夜長方自私。

△江蘿生幽渚一作塘上行

澤蘭被芳徑。孤芳豈自通。幸逢瑤池曠。得與金芝叢。朝承紫臺露。夕潤綠池風。旣美修嫿女。復悅繁華童。夙昔玉霜滿。旦暮翠條空。葉飄儲胥右。芳歇露寒東。紀化尙盈昃。俗志信積隆。財殫交易絕。華落愛難終。所惜改驩眄。豈恨逐征蓬。願回昭陽景。持照長門宮。

△卻出東西門行

驅馬城西阿。遙眺想京闕。望極煙原盡。地遠山河沒。搖裝非短晨。還歌豈明發。修服
悵邊羈。瞻途眇鄉謁。馳蓋轉徂龍。回星引奔月。樂去哀境滿。悲來壯心歇。歲華委徂
貌。年霜移暮髮。晨物久侵尋。征思坐淪越。清氛掩行夢。憂原盪瀛渤。一念起關山。千
里顧邱窟。

△飲馬長城窟

介馬渡龍堆。塗縈馬屢迴。前訪昌海驛。雜種寇輪臺。旌幕捲煙雨。徒御犯冰埃。

△青青河畔草

漠漠牀上塵。心中憶故人。故人不可憶。中夜長歎息。歎息想容儀。不言長別離。別離
稍已久。空牀寄杯酒。

△梁甫吟

龍駕有馳策。日御無停陰。星籥亟迴變。氣化坐盈侵。寒光稍眇眇。秋塞一作日沈沈。
高窗灰餘火。火大火星也傾河駕騰參。颶風折暮草。驚籜貫層林。時雲靄空遠。淵水結清
深。奔樞豈易紐。珠庭不可臨。懷仁每多意。履順孰能禁。露清一唯促。緩志且移心。哀
歌步梁甫。歎絕有遺音。

△君子有所思行樂府解題曰君子有所思行如晉陸機宋鮑照梁沈約所云大抵言彫室麗色不足爲久權宴安酖毒滿盈所宜敬忌與君子

行異也

晨策終南首。顧望咸陽川。戚里遡層闕。甲館負崇軒。複塗希紫閣。重臺擬望仙。巴姬幽蘭奏。鄭女陽春絃。共矜紅顏日。俱忘白髮年。寂寥茂陵宅。照曜未央蟬。無以五鼎盛。顧嗤三經玄。

△白馬篇郭云白馬者見乘白馬而爲此曲言人當立功立事盡力爲國不可念私也樂府解題曰鮑照沈約之詩皆言邊塞征戰之事

白馬紫金鞍。停鑣過上蘭。寄言狹斜子。詎知隴道難。赤坂途三折。龍堆路九盤。冰生肌裏冷。風起骨中寒。功名志所急。日暮不遑飧。長驅入右地。輕舉出樓蘭。直去已垂涕。甯可望長安。匪期定遠封。無羨輕車官。唯見恩義重。豈覺衣裳單。本持軀命答。幸遇身名完。

△齊謳行漢書曰漢王至南鄭諸將及士卒皆歌謳思東歸顏師古曰謳齊歌也謂齊聲而歌或曰齊地之歌

東秦稱右地。川隰固夷和。層峯駕蒼雲。濁河流素壤。青邱良杳鬱。雪宮信疏散。王佐改殷命。霸功繆周網。

△前緩聲歌郭云緩聲謂歌聲之緩非言壽命長緩也又有緩歌行亦出於此

羽人廣宵宴。帳集瑤池東。開霞泛彩靄。澄霧迎香風。龍駕出黃苑。帝服起河宮。九疑
輔煙雨。三山馭螭鴻。玉鸞乃排月。瑤鞍信凌空。神行燭玄漠。帝旆委曾虹。簫歌美羸
女。笙吹悅姬童。瓊漿且未洽。羽轡已騰空。息鳳曾城曲。滅景青都中。降祐集皇代。委
祚溢華嵩。

鼓吹曲二首同諸公賦

△芳樹

樂府解題曰古詞中有云妬人之子愁殺人君有他心樂不可禁若齊王融相思早春日謝朓早詵華池陰但言時暮眾芳歇絕而已定安按

休文此作亦時暮眾芳歇絕之意

發萼九華隈。開跗寒露側。氤氳非一香。參差多異色。宿昔寒飈舉。摧殘不可識。霜雪
交橫至。對之長歎息。

△臨高臺

樂府解題曰古詞言臨高臺下見清水中有黃鸝飛翻關弓射之令我主萬年若齊謝朓千里常思歸但言臨望傷情而已定安按休文

此作亦臨望傷情之意

高臺不可望。望遠使人愁。連山無斷絕。樂府作續河水復悠悠。所思竟何在。洛陽南陌頭。
可望不可見。樂府作至何用解人憂。

△洛陽道

三十家詩鈔

卷四

梁

沈約

十九

洛陽大道中。佳麗實無比。燕裙傍日開。趙帶隨風靡。領上蒲萄繡。腰中合歡綺。佳人殊未來。薄暮空徙倚。

△江南曲

權歌發江潭。采蓮渡湘南。宜須閒隱處。舟浦予自諳。羅衣織成帶。墮馬碧玉簪。但令舟楫渡。甯計路嶄嵌。

△東武吟行

樂府解題曰東武吟行大概傷時移事異榮華徂謝也通典曰漢有東武郡今高密諸城縣是也

天德深且曠。人世賤而浮。東枝纔拂景。西壑已停輒。逝辭金門寵。去飲玉池流。霄轡一永矣。俗累從此休。

△怨歌行

時屯甯易犯。俗險信難羣。坎壤元叔賦。頓挫敬通文。遽淪班姬寵。夙寔賈生墳。短俗同如此。長歌何足云。

△悲哉行

歌錄曰悲哉行魏明帝造樂府解題曰陸機云遊客芳春林謝惠連云羈人感淑節皆言客遊感物憂思而作也

旅遊媚年春。年春媚遊人。徐光旦垂彩。和露曉凝津。時嚶起稚葉。蕙氣動初蘋。一朝阻舊國。萬里隔良辰。

△攜手曲郭云攜手曲梁沈約所制也樂府解題曰攜手曲言攜手行樂恐芳時不畱君恩將歇也

捨轡下雕輅。更衣捧玉牀。斜簪映秋水。開鏡比春妝。所畏紅顏促。君恩不可長。鷓冠且容裔。豈吝桂枝亡。

△有所思

西征登隴首。東望不見家。關樹抽紫葉。塞草發青芽。昆明當欲滿。蒲萄應作花。垂涕對漢使。因書寄狹邪。

△夜夜曲郭云夜夜曲梁沈約所造也樂府解題曰夜夜曲傷獨處也

河漢縱且橫。北斗橫復直。星漢空如此。甯知心有憶。孤燈暖不明。寒機曉猶織。零淚向誰道。雞鳴徒歎息。

△其二

北斗闌干去。夜夜心獨傷。月輝橫射枕。燈光半隱牀。

△釣竿崔豹古今注曰釣竿者伯常子避仇河濱為漁者其妻思之而作也每至河側輒歌之後司馬相如作釣竿詩遂傳為樂曲

桂舟既容與。綠浦復回紆。輕絲動弱菱。微楫起單鳧。扣舷忘日暮。卒歲以為娛。

△臨碣石

碣石送返潮。登罌禮朝日。溟漲無端倪。山島互崇崒。驥老心未窮。酬恩豈終畢。

△ 湘夫人

瀟湘風已息。沅澧復安流。揚蛾一含睇。媿娟好且修。捐玦置澧浦。解珮寄中洲。

△ 貞女引

琴操曰魯次室女作貞女引

貞心信無矯。傍鄰也見疑。輕生本非惜。賤軀良足悲。傳芳託嘉樹。弦歌寄好詞。

△ 襄陽白銅鞮歌

樂府作襄陽蹋銅蹄。○隋書樂志曰梁武帝之在雍鎮有童謠云襄陽白銅蹄反縛揚州兒識者言白銅蹄謂金蹄為馬也白

金色也及義師之興實以鐵騎揚州之士皆面縛果如謠言故即位之後更造新聲帝自為之詞三曲又令沈約為三曲以被管絃

分手桃林岸。送別峴山頭。若欲寄音信。漢水向東流。

△ 其二

生長宛水上。從事襄陽城。一朝遇神武。奮翼起先鳴。

△ 其三

蹀鞞飛塵起。左右自生光。男兒得富貴。何必在歸鄉。

△ 永明樂

郭云此曲南齊永明中造故云永明樂

聯翩貴遊子。侈靡千金客。華駁起飛塵。珠履竟長陌。已上樂府

從齊武帝瑯琊城講武應詔

九功播祧墀。七德陳武懸。展事昌國圖。息兵由重戰。皇情咨閱典。出車追辰選。飾徒映寒隰。翻綬臨廣甸。颯沓佩吳戈。參差腰夏箭。風旆舒復卷。雲霞清以轉。輕舞信徘徊。前歌且遙行。秋原嘶代馬。朱光浮楚練。虹壑寫飛文。巖阿藻餘綯。發震嶽靈從。揚旌水華變。憑高訓武則。中天起遐眷。鳳蓋捲洪河。珠旗埽長汜。方待翠華舉。遠適瑤池宴。

三日侍林光殿曲水宴應制

宴鎬鏘玉鑾。遊汾舉仙輶。榮光泛彩旄。修風動芝蓋。淑氣婉登晨。天行聳雲旆。帳殿臨春籞。帷宮繞芳薈。漸席周羽觴。分墀引迴瀨。穆穆玄化升。濟濟皇階泰。將御遺風軫。遠侍瑤臺會。

侍宴樂遊苑餞呂僧珍應詔

梁書呂僧珍爲左衛將軍天監四年冬大舉北伐

丹浦非樂戰

六韜堯與有苗戰于丹水之浦

負重切君臨。我皇秉至德。忘己用堯心。愍茲區宇內。魚

鳥失飛沈。推轂二嶠道。揚旆九河陰。超乘盡三屬。選士皆百金。戎車出細柳。餞席遵上林。命師誅後服。授律緩前禽。函轅方解帶。嶢武稍披襟。伐罪芒山曲。弔民伊水濛。

將陪告成禮待此未抽簪。我皇謂梁武帝也。失飛沈言失常超乘者跳躍上車也。屬猶接也。百金言重也。函轅燒武皆關名也。

正陽堂宴勞凱旋

凱入同高宴飲至均多祐。昔往歌採薇。今來歡杖杜。善戰惟我皇。勝之不窺戶。推轂授神謨。餘壯終能賈。浩蕩金罍溢。周流玉觴傳。

○遊鍾山詩應西陽王教。宋孝武封皇子。子尚為西陽王。

靈山紀地德。地險資嶽靈。終南表秦觀。少室邇王城。翠鳳翔淮海。衿帶遶神垆。北阜

何其峻。林薄杳蔥菁。翠鳳句喻宋之興也。

其二

發地多奇嶺。干雲非一狀。合沓共隱天。參差互相望。鬱律構丹巘。峻增起青嶂。勢隨九疑高。氣與三山壯。

其三

即事既多美。臨眺殊復奇。南瞻儲胥觀。西望昆明池。山中咸可悅。賞逐四時移。春光發隴首。秋風生桂枝。儲胥觀昆明池皆在西京。此皆假言之也。

其四

多值息心侶。結架山之足。八解鳴澗流。四禪隱巖曲。窈冥終不見。蕭條無可欲。所願從之遊。寸心於此足。息心侶。緇流也。架造廬也。八解。佛家池名。大品經有初禪二禪三禪四禪之名。

其五

君王挺逸趣。羽旆臨崇基。白雲隨玉趾。青霞雜桂旗。淹留訪五藥。周禮注五藥。草木蟲石穀也。顧

步仵三芝於焉仰。鑣駕歲暮以為期。按此詩文選作一首。今依古詩紀作五首。

登高望春

登高眺京洛。街巷紛漠漠。迴首望長安。城闕鬱盤桓。日出照鈿黛。風過動羅紈。齊童躡朱履。趙女揚翠翰。春風搖雜樹。歲蕤綠且丹。寶瑟玫瑰柱。金羈玳瑁鞍。淹留宿下蔡。置酒過上蘭。解眉還復斂。方知巧笑難。佳期空靡靡。含睇未成歡。嘉客不可見。因君寄長歎。

遊金華山

遠策追夙心。靈山協久要。天倪臨紫闕。地道通丹竅。未乘琴高鯉。且縱嚴陵釣。若蒙羽駕迎。得奉金書召。高馳入閭闔。方覩靈妃笑。

劉真人東山還

連峯竟無已。積翠遠微微。寥戾野風急。芸黃秋草腓。我來歲云暮。於此悵懷歸。霜雪方共下。甯止露沾衣。待余兩歧秀。去去掩柴扉。

登玄暢樓

危峯帶百阜。高頂出南岑。中有陵風榭。迴望川之陰。岸險每增減。湍平互淺深。水流本三派。臺高乃四臨。上有離羣客。客有慕歸心。落暉映長浦。煥景燭中潯。雲生嶺乍黑。日下溪半陰。信美非吾土。何事不抽簪。

酬謝宣城眺臥疾

王喬飛鳧鳥。東方金馬門。從宦非宦侶。避世作避諠。揆予發皇鑒。短翮屢飛翻。晨趨朝建禮。晚沐臥郊園。賓至下塵榻。憂來命綠尊。昔賢侔時雨。今守馥蘭蓀。神交疲夢寐。路遠隔思存。牽拙謬東汜。浮惰及西崑。以日之早晏喻年之少老也牽拙牽率庸拙也顧循良菲薄。何以儷瓊璫。將隨渤澥去。刷羽汎清源。

新安江水至清淺。深見底貽京邑遊好廬。

新安江在今嚴州府淳安縣十洲記桐廬縣新安東陽二水合於此仍東流爲

浙江京邑丹陽郡

眷言訪舟客。茲川信可珍。洞徹隨清淺。皎鏡無冬春。千仞寫喬樹。百丈見遊鱗。滄浪

有時濁清濟。涸無津。豈若乘斯去。俯映石磷磷。紛吾隔巖濑。甯假濯衣巾。願以潺湲水。霑君纓上塵。

休文素被惠文太子親遇鬱林隆昌元年由吏部郎出為東陽太守此詩蓋不能無望於中也

送別友人

外編作任昉者非

君東我亦西。銜悲涕如霰。浮雲一南北。何由展言宴。方作異鄉人。贈子同心扇。遙裔發海鴻。連翻出檐燕。春秋更去來。參差不相見。

去東陽與吏民別

微薄叨今幸。忝荷非昔期。唐風豈異世。欽明重在茲。飾驂去關輔。分竹入河淇。下車如昨日。曳組忽彌綦。霜載凋秋草。風三動春旗。無以招臥轍。甯望後相思。

早發定山

梁書約為東陽太守道經此山

夙齡愛遠壑。晚泣見奇山。標峯綵虹外。置嶺白雲間。傾壁忽斜豎。絕頂復孤圓。歸海流漫漫。出浦水濺濺。野棠開未落。山櫻發欲然。忘歸屬蘭杜。懷祿寄芳荃。眷言採三秀。徘徊望九仙。

循役朱方道路

分繻出帝京。升裝奉皇穆。洞野屬滄溟。聯郊遡河服。日映青邱島。塵起邯鄲陸。江移

林岸微巖深煙岫複歲嚴摧磴草午寒散嶠木紫蔚夕飈卷蹉跎晚雲伏霞志非易
從旌軀信難牧豈慕淄官梧方辭兔園竹羈心亦何言迷蹤庶能復

和竟陵王遊仙詩王融范雲同賦

天一作矯矯一作乘絳仙螭衣方陸離玉鑿隱雲霧溶溶紛上馳瑤臺風不息赤水正

漣漪崢嶸玄圃上聊攀瓊樹枝

其二

朝止閭闔宮暮宴清都闕騰蓋擁奔星低鑿避行月九疑紛相從虹旌乍升沒青鳥
去復還高唐雲不歇若華有餘照淹留且晞髮

遊沈道士館沈道士名恭

秦皇御宇宙漢帝恢武功歡娛人事盡情性猶未充銳意三山上託慕九霄中既表
祈年觀復立望仙宮甯為心好道直由意無窮曰余知止足是願不須豐遇可淹留
處便欲息微躬山嶂遠重疊竹樹近蒙籠開襟濯寒水解帶臨清風所累非物外為
念在玄蹤朋來握石髓寶至駕輕鴻竹林名士傳王烈服食養性嵇康甚敬信之隨
入山烈嘗得石髓柔滑如節即自服半餘半取
以與康皆都令人徑絕惟使雲路通一舉凌倒景無事適華嵩此句正與三山九霄
疑而為石

如已高何寄言賞心客。歲暮爾來同。
必升華嵩

還園宅奉酬華陽先生

早欲尋名山。期待婚嫁畢。二事雖云已。此外復非一。忽聞龍圖至。仍覩榮光溢。副朝首八元。開壤賦千室。冠纓曾弗露。風雨未嘗櫛。鳴玉響洞門。金蟬映朝日。慙無小人報。徒叨令尹秩。豈忘平生懷。靡盬不遑恤。

華陽先生登樓不復下贈呈

側聞上士說。尺木乃騰霄。雲帡不展地。仙居多麗譙。臥待三芝秀。坐對百神朝。銜書必青鳥。佳客信龍鑣。非止靈桃實。方見大椿凋。

酬華陽陶先生

見陶隱居傳

三清未可覲。一氣且空存。所願迴光景。拯難拔危魂。若蒙丸丹贈。豈懼六龍奔。

奉華陽王外兵

餐玉駐年齡。吞霞反容質。眇識青邱樹。迴見扶桑日。爛漫蜃雲舒。欽崑山海出。

赤松澗

松子排煙去。英靈眇難測。惟有清澗流。潺湲終不息。神丹在茲化。雲輶於此陟。願受

金液方。片言生羽翼。渴就華池飲。飢向朝霞食。何時當來還。延伫青巖側。

八關齋

因戒倦輪飄。習障從塵染。四衢道難闢。八正扉猶掩。得理未易期。失路方知險。迷塗既已復。豁悟非無漸。

古意

挾瑟叢臺下。徙倚愛容光。伫立日已暮。戚戚苦人腸。露葵已堪摘。淇水未沾裳。錦衾無獨暖。羅衣空自香。明月雖外照。甯知心內傷。

少年新婚爲之詠

山陰柳家女。薄言出田墅。丰容好姿顏。便僻巧言語。腰肢既軟弱。衣服亦華楚。紅輪映早寒。畫扇迎初暑。錦履竝花紋。繡帶同心苣。羅襦金薄厠。雲鬢花釵舉。我情已鬱紆。何用表崎嶇。託意眉間黛。申心口上朱。莫爭三春價。坐喪千金軀。盈尺青銅鏡。徑寸合浦珠。無因達往意。欲寄雙飛鳧。裾開見玉趾。衫薄映凝膚。羞言趙飛燕。笑殺秦羅敷。自顧雖悴薄。冠蓋曜城隅。高門列騶駕。廣路從驪駒。何慚鹿盧劍。詎減府中趨。還家問鄉里。詎堪特作夫。

夢見美人

夜聞長歎息，知君心有憶。果自闔闔開，魂交覩顏玉臺作容色。既薦巫山枕，又奉齊眉食。立望復橫陳，忽覺非在側。那知神傷者，潺湲淚沾臆。

○直學省愁臥

學省國學也時約為國子祭酒

秋風吹廣陌，蕭瑟入南闈。愁人掩軒臥，高窗時動扉。虛館清陰滿，神宇曖微微。網蟲垂戶織，夕鳥傍欄飛。纓珮空為忝，江海事多違。山中有桂樹，歲暮可言歸。中間字字是愁臥不

似今人有詩無題

休沐寄懷

雖云萬重嶺，所翫終一作惟一邱。堦墀幸自足，安事遠遨遊。臨池清滌暑，開幌望高秋。

園禽與時變，蘭根應節抽。憑軒攀木末，垂堂對水周。紫籜開綠篠，白鳥映青疇。艾葉

彌南浦，荷花遶北樓。送日隱層閣，引月入輕幃。爨熟寒蔬剪，賓來春蟻浮。來往既云

勗，光景為誰留。

○宿東園

陳王鬪雞道，安仁採樵路。陳思王名都篇鬪雞東郊道走馬長楸間潘岳詩東郊東

郊豈異昔聊可閒余步野徑既盤紆荒阡亦交互
槿籬疏復密荆扉新且故樹頂鳴風颺草根積
霜露驚磨去不息征鳥時相顧茅棟嘯愁鴟平岡
走寒兔夕陰帶層阜長煙引輕素飛光忽我適豈
止歲云暮若蒙西山藥頽齡倘能度

魏文帝詩西山一何高高高殊無極
上有兩仙童不飲亦不食與我一丸藥
光輝有五色服藥四五日胸臆生羽翼

行園

寒瓜方臥壟秋菰亦滿陂紫茄紛爛漫綠芋鬱參差
初菘向堪把時韭日離離高梨有繁實何減萬年枝
荒渠集野鴈安用昆明池

和左丞庾杲之病

歲暮豈云聊參差憂與疾匪澣孰能賜持身固無述
握蘭空盈把待露終不溢囂喧滿眼前簿領紛盈膝
安用談天辯徒勞夢賜筆挂冠若東都山林甯復出

和竟陵王抄書

教微因弛轡維峻屬貞期義乖良未遠斯文煥在茲
超河綜絕禮冠楚綴淪詩披滕辨蠹冊酌醴訪深疑
澄流黜往性泛略引前滋漢壁含遺篆名山多逸詞
綠編方委閣素簡日盈輜空幸參鴛鷺比秀恣瓊芝
挹流既知廣復道還自嗤

奉和竟陵王郡縣名

王副范
雲同賦

西都富軒冕。南宮溢才彥。高闕連朱雉。方渠漸游殿。廣川肆河濟。長岑繞崑汧。曲梁濟危渚。平皋騁悠眇。清淵皎澄徹。曾山鬱蔥蒨。陽泉濯春藻。陰邱聚寒霰。西華不可留。東光促奔箭。望都遊子懷。臨戎征馬倦。既豫平章集。復齒南皮宴。一窺長安城。羞言杜陵掾。

奉和竟陵王藥名

丹草秀朱翹。重臺架危岳。木蘭露易飲。射干枝可結。陽隰採辛夷。寒山望積雪。玉泉函周流。雲華乍明滅。合歡葉暮卷。爵林聲夜切。垂景迫連桑。思仙慕雲垞。荆實剖丹瓶。龍芻汗奔血。照握乃夜光。盈車非玉屑。細柳空葳蕤。水萍終委絕。黃符若可挹。長生永昭哲。

和陸慧曉百姓名

建都望淮海。樹闕表衡稽。井榦風雲出。柏梁星漢齊。皇王臨萬宇。惠化覃黔黎。吉士服仁義。宿昔秉華圭。庸賢起幽谷。欽言非象犀。端委康國步。偃息召邦攜。舉政方分策。易紀粲金泥。伊余沐嘉幸。由是別園畦。曾微涓露答。光景遂雲西。方隨煉丹子。薄

暮矯行迷。金式時余太嘉幸由景眼國初曾燬所覆答水景微聖西代韻賦其千

那。三月三日率爾成章。賦幽谷危言非象賦委與國志即息谷我賦舉如式

麗日屬元巳年芳具在斯。開花已匝樹。流嚶復滿枝。洛陽繁華子。長安輕薄兒。東出

千金堰。西臨鴈鶩陂。洛陽記千金堰在洛陽城西去城三十五里漢宮殿疏長安有鴈鶩陂承昆明下流遊絲應空轉。高楊拂

地垂。綠幘文照耀。綠幘寵貴之冠紫燕光陸離。紫燕良馬名清晨戲伊水。薄暮宿蘭池。象筵鳴寶

瑟。象筵簞也金瓶泛羽卮。甯憶春蠶起。日暮桑欲萎。長袂屢已拂。彫胡方自炊。楚辭長袂拂面善雷

客彫胡菰米也宋玉賦主人之女為愛而不可見。宿昔減容儀。且當忘情去。歎息獨

何為。臣炊彫胡之飯註彫胡草名味香

織女贈牽牛

紅妝與明鏡。二物本相親。用持施點畫。不照離居人。往秋雖一照。一照復還塵。塵生

不復拂。蓬首對河津。冬夜寒如此。甯遽道陽春。初商忽云至。暫得奉衣巾。施衿已成

故。每聚忽如新。

應王中丞思遠咏月

月華臨靜夜。夜靜滅氛埃。方暉竟戶入。圓影隙中來。淮南子受光於隙照一隅受光於戶照室中無遺物况受光於

宇宙乎二句高樓切思婦西園遊上才。高樓句本曹子建七哀詩西園句用魏文網

軒映珠綴應門照綠苔。刻鏤綺文曰網應門南門也月上網軒則影映洞房殊未曉

清光信悠哉。

和王中書德充詠白雲

白雲自帝鄉氛氲屢迴沒蔽虧崑山樹含吐瑤臺月秋風西北起飄我過城闕城闕已參差白雲復離離皎潔在天漢倒影入華池將過丹邱野時至碧林垂九重迎飛燕萬里送翔螭

詠雪應令

思鳥聚寒蘆蒼雲軫暮色夜雪合且離曉風驚復息嬋娟入綺窗徘徊驚情急弱桂不勝枝輕飛屢低翼玉山聊可望瑤池豈難卽

和劉雍州繪博山香爐

範金誠可則摛思必良工凝芳自朱燎先鑄首山銅瓌姿信崑嶠奇態實玲瓏峰嶝互相拒巖岫杳無窮赤松遊其上斂足御輕鴻蛟螭盤其下驤首盼層穹嶺側多奇樹或孤或複叢巖間有佚女垂袂似含風翬飛若未已虎視鬱餘雄登山起重嶂左

右引絲桐。百和清夜吐。蘭煙四面充。如彼崇朝氣。觸石繞華嵩。

詠湖中鴈

白水滿春塘。旅鴈每迴翔。唼流牽弱藻。斂翮帶餘霜。羣浮動輕浪。單汎逐孤光。懸飛竟不下。亂起未成行。刷羽同搖漾。一舉還故鄉。首二語直從湖鴈賦起三句言鴈之食者四句言鴈之立者五句言羣遊

之鴈六句言獨遊之鴈七句指飛者八句指半飛半止者

冬節後至丞相第詣世子車中作

齊書豫章王嶷太祖第三子也薨贈丞相揚州牧長子廉為世子約至其第傷其闕寂還

於車中而作是詩

廉公失權勢。門館有虛盈。

潛夫論曰廉頗翟公再盈再虛

貴賤猶如此。况乃曲池平。

桓子新論雍門周說孟嘗君曰

千秋萬歲後高臺既已傾曲池又已平謂無人遊賞也

高車塵未滅。珠履故餘聲。賓階綠錢滿。客位紫苔生。古

注空室無人行則生苔誰當九原上。鬱鬱望佳城。蘇或青或紫一名綠錢

奉和竟陵王經劉瓛墓

表閭欽逸軌。式墓禮真魂。化塗終渺默。神理曖猶存。塵經一作駕

未輟幌。高衡已委門。

日蕪子雲舍。徒望董生園。華陰無遺布。楚席有靈樽。玄泉倘能慰。長夜且勿論。

悼亡

去秋三五月。今秋還照梁。一作房今春蘭蕙草。來春復吐芳。悲哉人道異。一謝永銷亡。

簾屏既毀撤。一作屏筵帷席更施張。游塵掩虛座。孤帳覆空牀。萬事無不盡。徒令存

者傷。潘岳悼亡詩云幃屏無髣髴又云長簾竟床空又云床空委清塵室虛

侍遊方山應詔

清漢夜昭晷。扶桑曉陸離。發歌擬陽下。一作發吹建羽朝夕池。擬金浮水若。聳蹕詔

山祇。一霑九霄露。藜藿終自知。

樂將殫恩未已應詔

淒鏘笙管迺。參差舞行亂。輕肩既屢舉。長巾亦徐換。雲鬢垂寶花。輕妝染微汗。羣臣

醉又飽。聖恩猶未半。

泛永康江

長枝萌紫葉。清源泛綠苔。山光浮水至。春色犯寒來。臨睨信永矣。望美曖悠哉。寄言

幽閨妾。羅袖勿空裁。

餞謝文學離夜

漢池水如帶。巫山雲似蓋。澗汨背吳潮。潺湲橫楚瀨。一望沮漳水。甯思江海會。以我

徑寸心從君千里外。

○別范安成

梁書范岫字樊賓齊代爲安成內史

生平少年日。分手易前期。及爾同衰暮。非復別離時。勿言一樽酒。明日難重持。夢中不識路。何以慰相思。

韓非子六國時張敏與高惠二人爲友每相思敏便於夢中往尋行至半道卽迷不知路如此者三

效古

可憐桂樹枝。單雄憶故雌。歲暮異栖宿。春至猶別離。山河隔長路。路遠絕容儀。豈云

無可

玉臺作我

匹。寸心終不移。

庭雨應詔

出空甯可圖。入庭倍難賦。非煙復非雲。如絲復如霧。霖霖裁欲垂。霏微不能注。雖無千金質。聊爲一辰趣。

初春

來道覓陽春。相將共攜手。草色猶自腓。林中都未有。無事逐梅花。空教信楊柳。且復共歸來。含情寄杯酒。

春思

一作春詠

楊柳亂如絲。綺羅不自持。春草黃復綠。客心傷此時。青苔已結洧。碧水復盈淇。日華照趙瑟。風色動燕姬。襟前萬行淚。故是一相思。

傷春

弱草半抽黃。輕條未全綠。年芳被禁籞。煙花繞層曲。寒苔卷復舒。冬泉斷方續。早花散凝金。初露泣成玉。

秋夜

月落宵向分。紫煙鬱氛氲。暄暄螢入霧。離離鴈度雲。巴童暗理瑟。漢女夜縫裙。新知樂如是。久要詎相聞。

詠簾

江南簫管地。妙響發孫枝。殷勤寄玉指。含情舉復垂。雕梁再三繞。輕塵四五移。曲中有深意。丹誠君詎知。

詠竹檳榔盤

稍風有勁質。柔用道非一。平織方以文。穹成圓且密。薦羞雖百品。所貴浮天實。幸承歡醕餘。甯辭嘉宴畢。

檐前竹

萌開籜已垂。結葉始成枝。繁蔭上蒼茸。一作鬱促節下離離。風動露滴瀝。月照影參差。得生君戶牖。不願夾華池。

翫庭柳 玉臺作詠柳

輕陰拂建章。夾道連未央。因風結復解。霑露柔且長。楚妃思欲絕。班女淚成行。遊人未應去。爲此還故鄉。

麥李 藝文作詠李

青玉冠西海。碧石彌外區。化爲中園實。其下成路衢。在先良足貴。因小邈難逾。色潤房陵縹。味奪寒水朱。摘持欲以獻。尙食且踟蹰。

詠桃

風來吹葉動。風去畏花傷。紅英已照灼。况復含日光。歌童暗理曲。游女夜縫裳。詎減當春淚。能斷思人腸。

詠青苔

緣階已漠漠。汎水復綿綿。微根如欲斷。輕絲似更聯。長風隱細草。深堂沒綺錢。紫鬱

無人贈。歲蕤徒可憐。

十詠二首

領邊繡

織手製新奇。刺作可憐儀。縈絲飛鳳子。結縷坐花兒。不聲如動吹。無風自裊枝。麗色
倘未歇。聊承雲鬢垂。

腳下履

丹墀上颯鞋。玉殿下趨鏘。逆轉珠珮響。先表繡桂香。裾開臨舞席。袖拂繞歌堂。所歎
忘懷妾。見委入羅牀。

懷舊詩九首

傷王融

元長秉奇調。弱冠慕前蹤。眷言懷祖武。一篲望成峯。途艱行易跌。命舛志難逢。折風
落迅羽。流恨滿青松。

傷謝朓

吏部信才傑。文鋒振奇響。調與金石諧。思逐風雲上。豈言陵霜質。忽隨人事往。尺璧

爾何冤。一日同邱壤。

傷庾杲之

左率馥時譽。秀出冠明僚。聳茲千仞氣。振此百尋條。蘊藉含文雅。散朗溢風飈。楸梧
今已合。容範尚昭昭。

傷王湛

長史體閒任。坦蕩無外求。持身非詭遇。應物有虛舟。心從朋好盡。形為歡宴留。歡宴
未終畢。零落委山邱。

傷虞炎

東南既擅美。洛陽復稱才。攜手同歡宴。比跡共遊陪。事隨短秀落。言歸長夜臺。

傷李珪之

少府懷貞節。忘軀濟所奉。吏道勤不息。繁文長自擁。既闕優孟歌。身沒誰為寵。

傷韋景猷

韋叟識前載。博物備戎華。稅驂止營校。淪跡委泥沙。始知庸聽局。方悟大音賒。

傷劉渢藝文作佩

處和無近累。天然有勝質。蕭瑟負高情。耿介懷秋實。義貴良爲重。蘭摧非所恤。一罷平生言。甯知攜手日。

傷胡諧之

豫州懷風範。綽然飄雅度。處約志不渝。接廣情無忤。頡頏事刀筆。紛綸遞朱素。美志同山阿。浮年迫朝露。

詠新荷應詔

勿言草卉賤。幸宅天池中。微根纔出浪。短幹未搖風。甯知寸心裏。蓄紫復含紅。

聽蟬鳴應詔

輕生宅園籟。復得棲嘉樹。豈敢擅洪枝。輕條遭所遇。葉密形易揚。風迴響難住。

詠笙

彼美實枯枝。孤篠定參差。鷓鴣已喞嘶。棗下復林離。本期王子宴。甯待洛濱吹。

詠箏

秦箏吐絕調。玉桂揚清曲。絃依高張斷。聲隨妙指續。徒聞音繞梁。甯知顏如玉。

詠石榴

靈園同佳稱。幽山有奇質。停采久彌鮮。含華豈期實。長願微名隱。無使孤株出。

大言應令

隘此大汎庭。方知九垓局。窮天豈彌指。盡地不容足。

細言應令

開館尺椽餘。築榭微塵裏。蝸角列州縣。豪端建朝市。

詠餘雪

陰庭覆素芷。南階褰綠施。玉臺新落構。青山已半虧。

詠帳

甲帳垂和璧。螭雲張桂宮。隋珠旣吐曜。翠被復含風。

侍宴詠反舌

假容不足觀。遺音猶可薦。幸蒙喬樹恩。得以聞高殿。

寒松

梢聳振寒聲。青蔥標暮色。疏葉望嶺齊。喬榦臨雲直。

詠孤桐

龍門百尺時。一作時排雲少孤立。分根蔭玉池。欲待高鸞集。

詠梧桐

秋還遽已落。春曉猶未黃。微葉雖可賤。一剪或成珪。

園橘

綠葉迎露滋。朱苞待霜潤。但令入玉柈。金衣非所吝。

詠梨應詔

大谷來既重。岷山道又難。摧折非所恡。但令入玉盤。

西地梨

詩彙作簡文非

列茂河陽苑。蓄紫濫觴隈。翻黃秋沃若。落素春徘徊。

詠芙蓉

微風搖紫葉。輕露拂朱房。中池所以綠。待我泛紅光。

詠杜若

生在窮絕地。豈與世相親。不顧逢采擷。本欲芳幽人。

詠鹿蔥

三十家詩鈔

卷四

梁

沈約

三十三

野馬不任騎。兔絲不任織。既非中野花。無堪麝麝食。

甘蔗

抽葉固盈丈。擢本信兼圍。流甘揜椰實。弱縷冠絺衣。

詠菰

結根布洲渚。垂葉滿皋澤。匹彼露葵羹。可以畱上客。

早行逢故人車中爲贈

殘朱猶曖曖。餘粉尙霏霏。昨宵何處宿。今晨拂露歸。

爲鄰人有懷不至

影逐斜月來。香隨遠風入。言是定知非。欲笑翻成泣。

和劉中書仙詩

清旦發玄洲。日暮宿丹邱。崑山西北映。流泉東南流。霓裳拂流電。雲車委輕霞。崢嶸上不覩。寥廓下無見。

其二

殊庭不可及。風燦多異色。霞衣不待縫。雲錦不須織。

華山館爲國家營功德

沐芳禱靈嶽。稽首恭上玄。帝昔祈萬壽。臣今請億年。丹方緘洞府。河清時一傳。錦書飛雲字。玉簡黃金編。

和王衛軍解講

妙輪輟往駕。寶樹未開音。甘露爲誰演。得一標道心。渺渺玄塗曠。高義總成林。七花屏塵相。八解濯芳襟。

侍宴謝朓宅餞東歸應制

皇情悵東舳。羽旆拂南塵。夏雲清朝景。秋風揚早蟬。飲和陪下席。論道光上筵。

酬孔通直過懷蓬居

閭闔旣洞啟。龍樓亦高闢。兩宮集鸞步。二闈引通籍。伊邇事清途。紛吾供賤役。

石塘瀨聽猿

噉噉夜猿鳴。溶溶晨霧合。不知聲遠近。惟見山重沓。旣歡東嶺唱。復仁西巖答。

出重圍和傅昭

魯連揚一策。陳平出六奇。邯鄲風雨散。白登煙霧維。排雲出九地。陵定振五卮。

秋晨羈怨望海思歸

分空臨澗霧披遠望滄流八桂暖如畫三桑渺若浮煙極希丹水月遠望青邱

侍宴樂游苑餞徐州刺史應詔

沃若動龍驂參差凝鳳管金塘草未合玉池泉將滿

憩郊園和約法師採藥

郭外三千畝欲以質朝館繁蔬既綺布密果亦星懸

四城門

六龍既驚軫二鼠復馳光衰齡難慎輔暮質易凋傷

本集有梁雅樂歌八首雜言 梁南郊登歌二首三言 梁北郊登歌二首四言 梁明堂登歌五首四言 梁宗廟登歌七首四言 梁三朝雅樂歌五首雜言

五引曲五首雜言 梁鼓吹曲十二首雜言 梁大壯大觀舞歌二首四言 梁鞞舞歌明之君六首雜言 江南弄四首雜言 未央樂雜言 四時白紵歌五

首七言 侍皇太子釋奠宴四言 為南郡王侍皇太子釋奠宴二首四言 三 日侍鳳光殿曲水宴應制四言 為臨川王九日侍太子宴四言 九日侍宴樂

遊苑四言 上巳華光殿七言 六憶詩四首 雜言 八詠詩八首雜言皆以非五古未鈔

任彥昇五古十八首 文選錄者以○識之樂 府詩集錄者以△識之

九日侍宴樂遊苑

帝德峻韶夏王功書頌平共貫沿五勝獨道邁三英我皇撫歸運時乘信告成一唱
華鐘石再撫被絲笙黃草歸雒木梯山薦玉榮時來濁河變瑞起溫洛清物色動宸
眷民豫降皇情。

奉和登景陽山

物色感神遊升高悵有閱南望銅駝街北走長楸埽別澗宛滄溟疏山駕瀛碣奔鯨
吐華浪司南動輕柁日下重門照雲開九華澈觀閣隆舊恩奉圖愧前哲。

泛長溪

徇祿聚歸糧依隱謝羈勒絕物甘離羣長懷思去國長溪永東舍震區窮水域道遇
垂綸叟聊訪問津惑弭楫申九言無爲累牽纒長泛滄浪水平明至曛黑。

落日泛舟東溪

黝黝桑柘繁芄芄麻麥盛交柯溪易陰反景澄餘映吾生雖有待樂天庶知命不學
梁父吟惟識滄浪詠田荒我有役秩滿余謝病。

濟浙江

昧旦乘輕風江湖忽來往或與歸波送乍逐翻流上近岸無暇日遠峯更興想綠樹

懸宿根。丹崖頽久壤。

○贈郭桐廬出谿口見候余既未至郭仍進村維舟久之郭生方至

郭時為桐廬令時為新安

安太守輿地志桐廬富陽之桐廬溪也按桐廬今浙江嚴州府桐廬縣富陽縣今屬杭州府新安郡今嚴州府及江南徽州府

朝發富春渚。

漢富春縣今杭州富陽縣及嚴州建德縣地富春山在桐廬縣富春江即浙江上流也

蓄意忍相思。涿令行春返。

冠蓋溢川坻。

後漢書滕撫為涿令有文武體用太守委任郡職兼理六縣流愛於民行春兩白鹿隨車挾轂而行

望久方來萃。悲歡不

自持。滄江路窮此。湍險方自茲。疊嶂易成響。重以夜猿悲。客心幸自弭。中道遇心期。

親好自斯絕。孤遊從此辭。

答何徵君

散誕羈鞅

一作勒

外。拘束名教裏。得性千乘同。山林亦朝市。勿以耕蠶貴。空笑易農士。

宿昔仰高山。超然絕塵軌。傾壺已等樂。命管亦齊喜。無為歎獨遊。若終一作路方同止。

贈徐徵君

外編作吳均者非

促生悲永路。早交傷晚別。自我隔容徽。於焉徂歲月。情非山河阻。意似江湖悅。東皋

有儒素。杳與榮名絕。曾是違賞心。曷用箴余缺。眇焉追平生。塵書廢不閱。信此伊能

已。懷抱豈暫輟。何以表相思。貞松擅嚴節。

答劉孝綽

南史孝綽繪之子年十四父黨沈約任昉范雲等聞其名命駕造焉昉尤相賞愛天監初孝綽起家著作佐郎為歸沐詩贈昉昉答之

閱水既成瀾藏舟遂移壑彼美洛陽子投我懷秋作久敬類誠言吹噓似嘲謔兼稱
夏雪盡復陳秋樹索詎慰耆嗟人徒深老夫託一作徒然直史兼衰貶轄司專疾惡
九折多美疹匪報庶良藥子其崇鋒穎春耕勵秋穫老夫諾

答到建安餉杖

故人有所贈稱以冒霜筠定是湘妃淚潛灑遂隣彬扶危復防咽事歸薄暮人勞君
尚齒意矜此杖鄉辰復資後坐一作彥候余方欠伸獻君千里笑紆我百憂嘔坐適
雖有器臥遊苦無津何由乘此竹直見平生親

寄到漑

南史到漑為建安太守昉寄詩求二彩段

鐵錢兩當一百易代名實為惠當及時無待涼秋日

別蕭諮議

離燭有窮輝別念無終緒岐言未及申離日已先舉揆景巫衡阿臨風長楸浦浮雲
難嗣音徘徊悵誰與儻有關外驛聊訪狎鷗渚

厲吏人講學

暮燭迫西榆。將落誠南畝。曰余本疏惰。頽暮積榆柳。踐境渴師臣。臨政欽益友。肝食願橫經。終朝思擁帚。雖欣辨蘭艾。何用闢蒿莠。

△苦熱樂府作苦熱行。樂府解題曰苦熱行備言流金磔石火山炎。海之艱難也。定安按彥昇此詩疑有闕文。玩收句意猶未盡也。

旭旦煙雲卷。烈景入東軒。傾光望轉蕙。斜日照西垣。既卷蕉梧葉。復傾葵藿根。重簾無冷氣。挾石似懷溫。霖霖類珠綴。喘嚇狀雷奔。

同謝朓花雪

土膏候年動。積雪表晨暮。散葩似浮玉。飛英若總素。東序皆白珩。西雝盡翔鷲。山經陋密榮。騷人貶瓊樹。

○出郡傳舍哭范僕射梁天監三年僕射范雲卒任昉時為義興太守出傳舍為位以哭之而作是詩

平生禮數絕。式瞻在國楨。國楨謂范僕射一朝萬化盡。猶我故人情。待時屬興運。王佐俟民

英。結懽三十載。生死一交情。攜手遁衰孽。接景事休明。衰孽齊東昏侯也運阻衡言

革。衡言平常之言也。曾子曰天下無道時。秦玉階平。濟沖得茂彥。夫子值狂生。王戎

沖為選官時江夏李重以清尚汝南李毅號淹通二人操異俱處要職戎以識會待之各得其用重字茂曾毅字茂彥夫子謂范雲狂生昉自謂也伊人有涇

渭。非余揚濁清。將乖不忍別。欲以遣離情。不忍一辰意。千齡萬恨生。言昔日將乖不忍一辰之意况

今千齡永隔萬恨俱生者乎

其二

已矣平生事詠歌盈篋笥兼復相嘲諢常與虛舟值莊子方舟而濟於河有虛舟來觸舟雖有褊心之人不怒也何時見范侯還敘平生意

其三

與子別幾辰經塗不盈旬弗覩朱顏改徒想平生人甯知安歌日非君撤瑟晨已矣

余何歎輟春哀國均位高年促有哀有諷末句仍為時惜不徒以其私也

本集有為王嫡子待皇太子釋奠宴四言又嚴陵瀨一首五言詠池邊桃一首五言皆有

范彥龍五古三十八首凡文選錄者以○識之樂府詩集錄者以△識之

△巫山高樂府解題曰古辭言江淮水深無梁可度臨水遠望思歸而已定安按彥龍此詩與齊王融想象巫山高一首均雜以陽臺神女之事無復遠

望思歸之意也

巫山高不極白日隱光輝靄靄朝雲去溟溟暮雨歸巖懸獸無迹林暗鳥疑一作飛

枕席竟誰薦相望空一作徒依依

有所思樂府作王融者非

如何有所思而無相見時。宿昔夢顏色。階庭尋履綦。高張更何已。引滿終自持。欲知

憂能老。為視鏡中絲。

△當對酒樂府作對酒。樂府解題曰魏樂奏武帝所賦對酒歌。太平其旨言王者德澤廣被。政理人和。萬物咸遂。彥龍此詩則言但當為樂。勿徇名自

欺也

對酒心自足。故人來共持。方悅羅衿解。誰念髮成絲。徇性良為達。求名本自欺。迨君

當歌日。及我傾樽時。

○古意贈王中書集曰覽古贈王中書融王融雜體報范通直詩見本集

攝官青瑣闥。遙望鳳凰池。梁書雲為通直散騎侍郎不敢正言故曰攝漢舊儀黃門郎暮入對青瑣門拜青瑣者門畫瑣文以青飾之晉中興

書荀勗徙中書監為尚書令人賀之乃發恚云奪我鳳凰池諸人何賀我耶誰云相去遠。脈脈阻光儀。岱山饒靈異。沂水

富英奇。岱山沂水指瑯琊逸翮凌北海。搏飛出南皮。遭逢聖明后。來棲桐樹枝。竹花

何莫莫。桐葉何離離。可棲復可食。此外亦何為。豈知鷦鷯者。一粒有餘貲。

○贈張徐州謨謨為徐州刺史臨去別雲不值後作詩贈之按詩意是彥龍時猶未仕

田家樵採去。薄暮方來歸。還聞稚子說。有客款柴扉。僮從皆珠玳。廣雅僮導也裘馬悉輕

肥軒蓋照墟落。傳瑞生光輝。傳傳車瑞節信也。疑是徐方牧。既是復疑非。懷一作舊昔言有

此道今已微。物情棄疵賤。何獨顧衡闈。憾不具雞黍。得與故人揮。後漢書山陽范式字巨卿與汝南張

元伯友善春別京師以秋為期至九月十五日殺雞作黍二親笑曰山懷情徒草草。陽去此幾千里何必至元伯曰巨卿信士不失期者言未絕而巨卿至

一作淚下空霏霏。寄書雲間雁。為我西北飛。

答句曲陶先生廣文選作山中懷故人

終朝吐祥霧。薄晚孕奇煙。洞澗生芝草。重崖出醴泉。中有懷真士。被褐守冲玄。石戶

栖千祕。金壇謁九仙。乘鷓方履漢。嚮鶴上騰天。上一作且

貽何秀才何遜答范記室雲詩見本集

桂葉竟穿荷。蒲心爭出波。有鷺驚蘋芰。綿蠻弄藤蘿。臨花空相望。對酒不能歌。聞君

饒綺思。摘採足為多。布鼓誠自鄙。何事絕經過。

答何秀才何遜落日前墟望贈范廣州詩見本集

少年射策罷擢第。雲臺中已輕。淄水耆復笑。廣州翁麟閣。仁讎校。虎觀遲才通。方見

雕篆合。誰與畋漁同。待爾金閨北。予藝青門東。

贈俊公道人

秋蓬飄秋甸。寒藻泛寒池。風條振風響。霜葉斷霜枝。幸及清江滿。無使明月虧。月虧君不來。相期竟悠哉。初學記作何時

別詩

孤煙起新豐。候雁出雲中。草低金城霧。木下玉門風。別君河初滿。思君月屢空。折桂衡山北。摘蘭沅水東。蘭摘心焉寄。桂折意誰通。

渡黃河

河流迅且濁。湯湯不可凌。檜楫難爲榜。松舟纔自勝。空庭偃舊木。荒疇餘故塍。不睹人行跡。但見狐兔興。寄言河上老。此水何當澄。

治西湖

史氏導漳水。西門漑河潮。圖始未能悅。克終良可要。擁鍤勸年首。提爵勞春朝。平皋草色嫩。通林鳥聲嬌。已集故池鷺。行蒔新田苗。何吁畚築苦。方驩魚稻饒。

倣古

寒沙四面平。飛雪千里驚。風斷陰山樹。霧失交河城。朝驅左賢陣。夜薄休屠營。昔事前軍幕。今逐嫖姚兵。失道刑旣重。遲畱法未輕。所賴今天子。漢道日休明。

建除詩

建國負東海。衣冠成營邱。除道梁淄水。結駟登之罍。滿座咸嘉友。蘋藻絕時羞。平望極聊攝。直視盡姑尤。定交無恆所。同志互相求。執手歡高宴。舉白窮獻酬。破琴豈重賞。臨濠甯再儔。危生一朝露。螻蟻將見謀。成功退不處。爲名自此收。收名棄車馬。單步反蝸牛。開渠納秋水。相土播春疇。閉門謝世人。何欲復何求。

數名詩

一鼓有餘氣。趨勇正紛紜。二廣無遺畧。雄虎自爲羣。三河尙擾攘。楯櫓起橫楹。四巡駐青蹕。瘞玉曠亭云。五十又舒旆。旗幟日繽紛。六郡良家子。慕義輕從軍。七獲美前載。克俊嘉昔聞。八音仁繁律。將以安司勳。九命旣斯復。金壁固宜分。十難康有道。延首望卿雲。

州名詩

司春命初鐸。青耦肆中樊。逸豫誠何事。稻梁復宜敦。徐步遵廣隰。冀以寫憂源。楊柳垂場圃。荆棘生庭門。交情久所見。益友能孰存。

奉和齊竟陵王郡縣名詩

沈約王融同賦

撫戈金城外。解珮玉門中。白馬騰遠雪。蒼松壯寒風。臨涇方辨渭。安夷始和戎。取禾
廣田北。驅獸飛狐東。新城多雉堞。故市絕商工。海西舟楫斷。雲南煙霧通。罄節酬盛
德。宣力照武功。還飲漁陽水。歸一作應轉杜陵蓬。

贈沈左衛

伊昔霑嘉惠。出入承明宮。遊息萬年下。經過九龍中。越鳥憎北樹。胡馬畏南風。願言

反漁磻。津梁肯一作昔見通。

送沈記室夜別

桂水澄夜氛。楚山清曉雲。秋風兩鄉怨。秋月千里分。寒枝甯共採。霜猿行獨聞。捫蘿
正憶我。折桂方思君。

送別

東風柳線長。送郎上河梁。未盡樽前酒。妾淚已千行。不愁書難寄。但恐鬢將霜。望懷
白首約。江上早歸航。

望織女

英華作梁武帝今從
藝文玉臺作范雲

盈盈一水邊。夜夜空自憐。不辭精衛苦。河流未可填。寸情百重結。一心萬處懸。願作

雙青鳥共舒明鏡前。

詠井

乃鑿長林曲。有浚廣庭前。卽源已爲浪。因方自成圓。兼冬積溫水。疊暑泌寒泉。不甘未應竭。旣涸斷來翫。

悲廢井

因舊未嘗改。緣甘故先竭。歷稔久無禽。一朝見開渫。泌泉旣斯涌。短綆將安設。已獲丁氏利。方見管公練。

登三山

仄徑崩且危。叢巖聳復垂。石藤多卷節。水樹繞蟠枝。海中昔自重。江上今如斯。之零陵郡次新亭

江干遠樹浮。天末孤煙起。江天自如合。煙樹還相似。滄流未可源。高飄去何已。

閨思

春草醉春煙。深閨人獨眠。積憾顏將老。相思心欲然。幾回明月夜。飛夢到郎邊。

酌修仁水賦詩

三楓何習習。五渡何悠悠。且飲修仁水。不挹背邪流。

登城怨

楚妃歌修竹。漢女奏幽蘭。獨以閨中笑。豈知城上寒。

詠桂樹

外編作庚信者非

南中有八樹。繁華無四時。不識風霜苦。安知零落期。

詠寒松

脩條拂層漢。密葉障天濤。凌風知勁節。負雪見貞心。

園橘

芳條結寒翠。圓

一作園

實變霜朱。徙根楚州上。來覆廣庭隅。

詠早蟬

生隨春冰薄。質與秋塵輕。端綏挹香液。飛音承露清。

自君之出矣

漢徐幹有室思詩五章其第三章曰自君之出矣明鏡暗不治思君如流水無有窮已時自君之出矣蓋起於此齊虞義亦謂之思

君去時行

自君之出矣。羅帳咽秋風。思君如蔓草。連延不可窮。

四色詩

折柳青門外。握蘭翠疏中。綠蘋騁春日。碧渚澹時風。

其二

差池朱燕去。續翻赤雁歸。澆澗丹魚聚。聯翻血鳥飛。

其三

素鱗颺北渚。白水杜南苑。獻環潤玉塞。歸珠照瓊轅。

其四

烏林葉將實。墨池水就乾。玄豹藏暮雨。黑猿凌夜寒。

別詩

附見何遜集

洛陽城東西。長作經時別。昔去雪如花。今來花似雪。

本集有擬古五雜組詩三言。擬古四色詩。述行詩五言皆未鈔。

三十家詩鈔卷四

三十家詩鈔

卷四

梁

范雲



國家圖書館



003676680

